

FAMANTARANA AMBONY IRAY

 [Hoy Rahalahy Neville hoe, “...ireo tombony izay nentin’Andriamanitra ho anay tamin’ny alàlan’ny asam-panponao tamin’ny fitiavana. Izahay, amin’ity fotoana ity, dia te-haneho an’izany, amin’ny fanao kely, amin’ny fanolorana fanomezana kely iray ho anao.”—Mpand.] Misaotra anao, Rahalahy Neville. [“Enga anie hitoetra eo aminao ireo fitahian’Andriamanitra, rahalahy malala.”] Misaotra, betsaka indrindra, Rahalahy Neville.

² Ary misaotra anareo, ry fiangonana. Tsy fantattro fotsiny izay ao anatin’ilay izy. Fa mankasitraka aho, amin’ny foko rehetra, izay rehetra naha-izy anareo tamiko, ary ireo zavatra izay nataonareo ho ahy. Ary raha tsy noho ianareo, dia tsy ho nisy aho. Raha tsy nisy olona nino ny Hafatra izay nomen’Andriamanitra ahy ho toriana, dia tsy ho nisy nilàna ny itoriana Azy. Tsy maintsy isika roa, no niara-niasa. Noho izany, dia mankasitraka betsaka indrindra an’ity aho.

³ Ny fiangonantsika dia manana foana, mihoatra na latsaka, eto anivontsika eto, karazana vazivazy iray. Ankehitriny, rehefa nuditra aho, fotoana vitsy lasa izay, tao amin’ny efitra aoriania, dia nisy olona iray nanolotra fonosana iray ho ahy, ary nilaza, mba hankanesako eto amin’ny lampihazo ka hanolotra an’ity ho an-dRahalahy Neville. Tamin’ny fankasitrahany’ny fihetseham-poko ho azy, sy ny fiombonan’ity fiangonana ity, ary izay naha-izy azy tamintsika tamin’ity taona ity, amin’ny maha-pasitera iray tamin’ireo taona lasa, ary ireo fanantenana sy vavaka fa hanohy ny ho pasiterantsika izy mandritr’ireo taona maro ho avy, famantarana iray avy amin’ny fiangonana sy ny tenako, Rahalahy Neville.

⁴ [Hoy Rahalahy Neville hoe, “Misaotra anareo, betsaka indrindra, ianareo rehetra. Andriamanitra hitahy anareo. Ankasitrahako marina tokoa ireo zavatra tsara sy fanampiana izay natao tamiko avy tamin’ny isan’isany sy ny tsirairay avy ato amin’ny fiangonana. Ary izaho marina tokoa, izao maraina izao, dia mahatsapa ao amin’ny fanahiko ambany lalina fa ny kely indrindra tsirairay aminay dia mankasitraka lalina tokoa andRahalahy Branham ny amin’izay naha-izy azy tamintsika, sy ny asam-panompoany. Ary enga anie Andriamanitra hanambina azy sy hitahy azy raha manohy ho an’ny Tompo izy amin’ity taona ity, izany no fivavako mahitsy fo. Misaotra anareo, betsaka indrindra. Ankasitrahako tokoa izany. Eny àry.”—Mpand.]

⁵ Ireo ankizy kely, eny àry, heveriko fa ireo ankizy kely ankehitriny dia tokony handeha hankao amin’ny—ny efitranony. [Hoy Rahalahy Neville hoe, “Marina izany.”—Mpand.] Ary

tsarovy ankehitriny, aoka ho tena zazavavy sy zazalahy kely tena tsara, ao anaty efitra ao izao maraina izao. Satria, aorian'ny fotoana, dia neveriko fa ilay izy dia toy ny hoe nisy zavatra tavela ho anareo eto, ho famalifaliana.

⁶ Ankehitriny, ho an'ireo olon-dehibe, araka ny hitanareo fa ny—ny olon'ireo ankizy tanorantsika dia—dia tena betsaka, miandry am-pitebitebena ny fotoana izay ahafahantsika hanana fiangonana vaovao iray isika izay ahafahantsika manasaraka an'ireo kilasy ireo.

⁷ Ny Anabavintsika Arnold dia manana tokoa ny—eran'ny sandry; tsy eran'ny tñana, fa eran'ny sandry. Ary niteny tamiko ny zanakovavy kely. Hoy izy hoe, “Dada, tena sarostra ilay izy ho an-dRahavavy Arnold.” Hoy izy hoe, “Satria, hiteny amintsika amin’ny fiteny izy mba hahazontsika, ka amin’izay fotoana izay dia hanao zavatra ireo ankizy kely bitika, ary hanajanona sy hanitsy azy ireo izy noho izany, hitanao.” Koa izany no mahasrotra ny hananan’io vehivavy anankiray io an’io kilasy rehetra io. Noho izany dia mankasitraka azy isika, ary ny—ny fiaraha-miasany mahafinaritra manao an’izay vitany amin’izao fotoan’ny filana izao. Ny Tompo anie hitahy azy.

⁸ Manantena isika ankehitriny, indray andro any, tsy ho ela, raha sitraky ny Tompo, ny hanana tabernakla goavana iray mahafinaritra izay hananantsika an’ireo karazana efitra sekoly Alahady rehetra ho an’ireo kilasy. Ho an’ireo zaza kely, miaraka amin’ny kisarisary filanelina; ary hanana eto ambonin’ny polipitra, ambonin’ity, trano fitaizana lehibe iray misy fitaratra anoloana, izay hisy mpitaiza voahofana iray ao hikarakara an’ireo zaza kely rehetra. Tsy hisy fanembantsembanana ao amin’ireo fotoana, mihitsy, mandehandeha na mivezivezy manerana. Tsy mety mipetraka tsara ireo ankizy kely ireo, ary tsy mahazo izy ireo. Izy ireo no tokony hahazo azy ireo. Tsy afaka mahazo antsika izy ireo. Ary noho izany, arak’izany, toerana iray izay hisy ny zavatra rehetra arak’izay inoako mihitsy fa hitiavan’ny Tompo hanaovantsika azy. Tsy ho raitra isika, fa fiangonana iray mahafinaritra. Miandry an’izany isika.

⁹ Ankehitriny, ho an-dRahalahy Neville sy ny tenako, nanana hevitra iray fotsiny aho, akanjo palitao sy pataloza izy ireto. Tsy fantattro, Rahalahy Neville. [Hoy Rahalahy Neville hoe, “Izany, na zavatra iray.”—Mpand.] Izaho—heveriko fa izany ilay izy. Tsy azoko antoka. Satria, toa boatina palitao sy pataloza ilay izy, ho ahy. Tsy mahatsapa tahaka an’izany ve ianao mikasika an’ilay izy? Ah-hah. Ary ilay izy dia na palitao sy pataloza na pardesy. Ary izaho—izaho... Toa mitovy izy roa ireo, koa izany—izany no maneho fa tsy misy fanavahana olona eto. Ary, noho izany, manana pardesy iray aho. Ary fantattro fa izy ireo—izy ireo... Tsy pardesy iray ilay izy. Koa izany... Ianao dia manana anankiray, ihany koa, noho izany dia tsy maintsy ho palitao ny

pataloha ilay izy. Ary izany fotsiny dia... Tena mankasitraka betsaka an'izany mihitsy izahay!

¹⁰ Ary azoko antoka, fa, amin'ny maha-pasitera, mpiandry, ny teny hoe *pasitera* dia midika hoe "mpiandry iray, anankiray izay miandry ny ondry," azoko antoka fa mankasitraka anareo izahay, ny isan'isany sy ny tsirairay avy aminareo, satria ilay izy dia—ilay izy dia ny fahatsaram-panahinareo sy ireo eritreritraiseo, ary ny volanareo, no nanao an'ity fanomezana ity ho azo atao ho anay izao maraina izao. Ary amin'ny alàlan'ny fahasoavan'Andriamanitra, dia manome toky ny tenanay ny ho pasiteranareo, hanao ny zavatra rehetra izay vitanay hitarihana anareo ao amin'ny lèlana marina. Angamba, matetika, ny fomba itenenanay sy ny sisa, mety sarotra ho azo izany. Fa amin'ny maha-mpitari-dàlana fotsiny ihany no anaovanay azy, miezaka ny hitari-dàlana anareo hankany amin'io Toerana io, ka, amin'ny fitsanganana dia hankasitraka betsaka anay ianareo amin'izay fotoana izay. Satria, tsy nihevitra ny tenanay manokana izahay, na tamin'ny fanamboamboarana rehefa miteny aminareo izahay, na avy amin'ny eritreritraisey manokana, fa miezaka ny hanao fotsiny an'izay itarihan'ny Fanahy Masina anay mba hatao. Ary izany no... no efa ezakay. Ary mbola miezaka foana izahay ny hanao an'ilay zavatra iray ihany, marina izany, ho an'ny pasitera sy ny tenako.

¹¹ Mankasitraka isika ny mahita ny tara-masoandro. Doc, ny rahalahiko, dia vao avy nilaza fa nandefa teny nankany amin-dRahalahy Frankie Weber izy, any Florida, nanao hoe, "Tsy izy irery no afaka mivoaka amin'ny Krismasy ka hanasa ny fitaratratr aloha, an'ny fiarany, amin'ny tanañ'ny lobany." Nanao an'ilay zavatra iray ihany izy, tena mafana! Eny, fantatrareo fa leo an'ilay tara-masoandro i Florida, mijery an'i Florida isan'andro, noho izany dia tsy maintsy tonga eto Indiana izy ka hijery hoe manao ahoana ny zavatra rehetra eto. Tsy mihevitra tahaka an'izany ve ianao? Noho izany, faly isika fa manome famangiana antsika izy, amin'ny—fara-fahakeliny mandritry ny fotoana fohy, izao maraina izao.

¹² Fa, ambonin'ny zavatra rehetra, dia mankasitraka isika ny amin'ilay Hazavan'ny Zanak'Andriamanitra, izay manome antsika ny famiratan'ny fahasambarana Mandrakizay.

¹³ Manontany aho raha ilay zazalahy kely, izay vao avy niditra, no te-hipetraka miaraka amin'ny raiamandreniny. Na, misy kilasin'ny sekoly Alahady aoriana, ry zazalahy kely, raha tianao ny handeha aoriana ao. Rahalahy Taylor, ho tianao ve ny hitarika an'ilay lehilahy mihaja kely hankao amin'ilay kilasy. Mahafinaritra izany. Matetika dia tian'izy ireo ny hiaraka amin'ny azy ireo manokana, fantatrareo. Izy ireo, manana zavatra iombonana izy ireo, izay tian'izy ireo resahaha. Ary tahaka an'izany fotsiny ilay izy.

¹⁴ Ilay zazavavy kely roa ambin'ny folo taona, araka ny nolazaiko mazàna, raha mahita zazavavy kely iray valo-, sivy-, folo taona ianareeo mifikitra amin'ny renibe, isan'andro, dia misy zavatra tsy mety ao. Hitanareeo? Misy—misy zavatra tsy mety ao, satria misy fahasamihafana be loatra eo amin'ny taonan'izy ireo. Azonareeo eritreretina, manana kitapom-batomamy iray i nenibe any ho any, izay azony ametrahana ny tànany. Ary eo ilay vavy kely, mamiratra ireo maso goavana noho ilay kitapom-batomamy. Satria, amin'ny iombonana, dia tsy manana na inona na inona ho resahana izy ireo, tsy misy afa-tsy hoe afaka misafosafo azy sy mandrotsirotsy azy fotsiny izy. Fa tahaka an'izany ilay izy, ary faly isika fa tahaka an'izany ilay izy.

¹⁵ Ary noho izany dia manao an'izany filazana izany aho, efa nataoko izany indray mandeha, teo amin'ny fitoriana mikasika zanak'ondry sy ny voromailala. Hitanareeo, manana zavatra iombonana izy ireo. Afaka miresaka zavatra izy ireo.

¹⁶ Ny Franc-maçon, ny Tranon'ny Franc-maçon, manana zavatra ho resahana izy ireo, ireo mpirahalahin'ny Tranon'ny Franc-maçon; mpirahalahin'ny Tranon'ny Odd Fellows. Ireo Alemana dia manana zavatra, ho resahana, amin'ny Alemana, mikasika ny toeram-ponenana, rehefa mihaona eto ireo Alemana, ny anankiray izay vao tonga avy tany amin'ny toeram-ponenana. Ireo Italiana dia manana zavatra ho resahana.

¹⁷ Ary ireo Kristiana dia manana zavatra ho resahana. Izany no antony ivorantsika ao amin'ny toerana tahaka an'ity, ao amin'ireo toeran-Danitra ao amin'i Kristy Jesosy, satria teratanin'ilay Firenena iray ihany isika. Mpivahiny sy vahiny isika eto, ho an'ity izao tontolo izao ity. Noho izany dia tiantsika ny miara-miangona amin'ireto marainan'ny sabata sy fotoan'ny fivoriam-bavaka ireto, mba hampivory ny tenantsika miaraka, satria manana zavatra iombonana isika. Tiantsika ny miresaka mikasika ny iombonana, ireo zavatra iombonana, izay tiantsika: ny Tompo, ireo Ataony. Olona iray, ao ampony, mirehitra amin'ny zavatra iray, nanasitrana azy ireo ny Tompo, ka te-haneho ny tenan'izy ireo fotsiny eo hoe, "Jereo izay nataon'ny Tompo!" Olona iray izay nahazo fitahiana lehibe, ary te-handeha hankany am-piagonana fotsiny, mba hizara an'ireo fitahiana ireo amin'ny olon-kafa iray. Hitanareeo, izany no antony ananantsika an'ireo zavatra iombonana.

¹⁸ Ilay izy amiko dia toy ny hoe tsaratsara kokoa ireo fivoaham-peo ato am-piagonana, izao maraina izao. Toa tahaka an'izany ilay izy amiko. Tsy azoko antoka. Tena misy ako iray ato.

¹⁹ Fa tena faly aho ny amin'ireo vokatry ny fifohazana tamin'ny herinandro lasa. Hitanareeo? Tsy nanome fanairana teto an-toerana fotsiny ilay izy, fa nanodidina, ireo faritra samihafa, dia nandre ny amin'izany isika, hoe tsara ny Tompo. Ankehitriny, raha fandorana an'ireo tetezana tranainy fotsiny,

manao an'ireo zavatra ho vonona, ary miditra ao amin'ny Tompo, nomanina mba handraisana an'ireo fitahiana; raha io fotoana kely io no nanao an'izany, dia ho inona izany raha nanohy isika? Hitanareo? Noho izany, dia ndao isika tsy hamela an'izany ho faty. Manohy manampy fitaovana ambony fotsiny, isan'andro, mandra-pahatongan'ireo famantaran-tsetroka ho hita manerana an'izao tontolo izao, hoe velona Jesosy Kristy, ary misy afo mirehitra ao am-pontsika.

²⁰ Rehefaavy nanao fanokanan-tena vaovao iray aho, ny tenako, sy ny vadiko, sy ny sisa, dia voamarikay fa tena hafa ireo zavatra any an-trano. Ary tsy nikorontan-tsaina tahaka anay taloha intsony, mikorontana sy taitaitra hoe, “Tsy ho azontsika *ity*, ary tsy ho azontsika *itsy*.” Ataonay moramora fotsiny mihitsy ilay izy, ary nahavita betsaka izahay.

²¹ Noho izany, ankehitriny, dia misy taona vaovao iray ho avy. Ary tsy mino ny famadihana pejy vaovao isika, mino ny fandorana an'ilay trrainy fotsiny isika. Noho izany dia hazony ho voatokana ho an'Andriamanitra fotsiny ny tenanareeo mandritr'ilay taona ho avy, tsy fantatsika izay hataon'ny Tompo ho antsika.

²² Fa mankasitraka ny tsirairay avy aminareo izahay. Tena mankasitraka an'Andriamanitra aho ny amin'ny mambra tsirairay an'ny Vatan'i Kristy, hatraiza hatraiza. Ary ao amin'ireo dingan'ny finoana samihafa rehetra, tsy mampaninona na impiry no mety tsy ifanaraharanareo amiko, dia mbola mankasitraka foana aho fa misy olona...Na dia nihevitra aza aho fa ao amin'ny fahadisoana kely izy ireo, amin'ny Soratra, kanefa dia miezaka manohana mafy an'izay inoan'izy ireo. Vonona marina tokoa aho ny hahazaka an'ireo rahalahy ireo, ary izy ireo hahazaka ahy amin'ireo fahadisoako sy ny sisa, satria tsy misy anankiray amintsika tanteraka.

²³ Fa tao amin'ilay Hafatra indray hariva, rehefa niresaka ny amin'Andriamanitra nizarazara ny Tenany tamin'ny Pentekosta aho, tamin'ilay fihaonam-potoana, na tao amin'ilay kanferansa izay tsy maintsy nisy fanapahan-kevitra noraisina hoe, “Ho karazana Fiagonana inona io Fiagonana Kristiana vaovao io?” Izay no antony nanaovana an'ilay kanferansa. Ary hitantsika fa ao amin'ny Bokin'ny Asa, ny toko faha-2, dia hitantsika ilay karazana Fiagonana izaynofidiana; karazana Fiagonana inona, ho inona ilay Fiagonana, ho inona no fihetsik'ilay Fiagonana rehefa handray an'i Kristy izy. Tiako izany. Ary miady mafy aho ho an'io Fiagonana io izay voaorina fahiny tamin'ny Andron'ny Pentekosta. Ankehitriny, nahatsikaiky Izy tamin'izany, mahatsikaiky Izy ankehitriny. Ary hahatsikaiky Izy, raha mbola misy fahotana foana eto an-tany, sy ady iray hiadiana, dia hahatsikaiky izany ho an'ireo fahavalontsika, kanefa izany ireo

zavatra sarobidin'Andriamanitra izay iadiansika mafy mba hataon'Andriamanitra ho antsika.

²⁴ Ankehitriny, ireo filazana, ataoko fa efa nataon-dRahalahy Neville izy ireo.

²⁵ Ary satria ho any an-trano amin'ity herinandro ity, mba hivavaka sy hitady ny tavan'ny Tompo. Satria, amin'ity taona ho avy ity, amin'ny fanampian'Andriamanitra, raha hanampy ahy fotsiny Izy, dia tiako ny hiditra amin'ilay ady mafimafy kokoa noho izay hany efa vitako tamin'ny fiainako rehetra. Ary angamba ampahany lehibe iray an'ity taona ity no ho laniana any amin'ireo saha any ivelany, sy Haiti, sy any amin'ireo nosy, sy Amerika Atsimo, sy Afrika, sy Azia, sy Inde, ary—ary any Scandinavie any. Ary ireo rehetra ireo dia tsy maintsy tapahana amin'ity herinandro ity, raha hamela ny Tompo. Noho izany rehefa mahatsapa ho voatarika hanao zavatra aho na handeha na aiza na aiza, dia ny Tompo no naniraka ahy hanao an'izany.

²⁶ Amin'izay fotoana izay rehefa midina ny fiaramanidina aho, mankeo amin'ny tany, ka toy ny hoe nisy olona tonga teo, ka nanao hoe, “Oh, niala *ity* anaram-piangonana anankiray *ity*, *ity* nanao an'ity, na *ity* tsy nety, na izahay tsy afaka hanao an'ity, na milaza ny manam-pahefana fa tsy afaka manao an'ilay favoriana izahay.”

²⁷ Amin'izay fotoana izay dia tiako ny hijoro hoe, “Fa tonga amin'ny Anaran'ny Tompo aho.” Ary fantatro fa ny devoly izany, amin'izay fotoana izay. Hitanareo, ilay izy tsy hoe, “Nanao fahadisoana iray ve aho?” Voatarika aho. Amin'izay fotoana izay dia afaka mitsangana miaraka amin'ny sorokareo eo amin'ny kodiarana ianareeo, ka hiditra amin'ny ady.

²⁸ Ankehitriny, alohan'ny anokafantsika ny Boky, na hangataka an'Andriamanitra hanokatra Azy raha mamaky Azy isika, dia tiako ny hilaza ny antony itondrako an'ity Hafatra ity amin'ny fiangonana izao maraina izao. Izao no Hafatroy Krismasy ho an'ny fiangonana. Izao no...raha hanampy ahy ny Fanahy Masina hitondra an'izay inoako mikasika azy. Ankehitriny, tsy mampaninona na tsara toy ny ahoana aza no nanoratana azy ao amin'ny Soratra, ary olona firy no hahazo azy, dia tsy maintsy mbola miankina amin'ny Fanahy Masina izy ireo hitondra an'izany amin'ny olona. Ary aorian'ny Krismasy mihitsy, rehefa nandre an'ireo tantara samihafa rehetra an'ny Krismasy ianareeo sy—sy ireo fampielezam-peo, sy ny sisa, an'ireo hafatry ny Krismasy. Hisy manokana kely iray, ho an'ny tantaran'ny Krismasy, kanefa Andriamanitra no nametraka an'izany tao am-poko.

²⁹ Ary ankehitriny dia ndao isika hanondrika ny lohantsika vetivety, ao amin'Ny Fanatrehany sy ireo aloky ny Fahamarinany, hangataka famindrampo.

³⁰ O Andriamanitra, Mpamonjinay sy Rainay Isaorana, manatona ny Seza fiandrianan'ny famindramponao izahay. Amin'ny Anaran'ny Tompo Jesosy, Ilay Zanakao, no anoloranay ny tenanay am-panetre-tena izao maraina izao, mba hanolotra ny vavakay sy ny fisaoranay ho Anao, noho izay rehetra Nataonao ho anay. Tamin'ity herinandro lasa ity, indrindra, ahoana fa noana ireo fo, ary nifady hanina ny olona, ka nitahy azy ireo ny Fanahy Masina, nanao zavatra lehibe teo afovoanay! Sitrana ny marary. Ary nampahafantarina Andriamanitra hoe, velona Izy, ary tia ny Olony Izy.

³¹ Ary dia mbola tena marina foana ireo Teny, an'ny mpaminany, rehefa niteny an'ireo Tenin'ny Tompo Andriamanitra izy, rehefa hoy izy hoe, "Raha ny olona izay nantsoina tamin'Ny Anarako no hanangona ny tenany miaraka, ka hivavaka, amin'izay fotoana izay dia hihaino Aho avy any An-danitra." Marina mihitsy tahaka ny tamin'ny andro nitenenana azy ireo voalohany ireo Teny ireo. Tahaka an'izany no hitanay, Tompo. Ankehitriny dia mamelà anay, mivavaka izahay, ny amin'ny fahotanay rehetra, ny tsi-finoanay rehetra, izay fahotana.

³² Ary hivavaka izahay, Tompo, mba Hamerenanao aminay an'ilay finoana izay nampandroso an'io Fiagonana voalohany io. Tsy mangataka fandriam-piadanana misy voninkazo, fa mangataka ny famindrampon'Andriamanitra fotsiny, sy Ny Fanatrehany, ary ireo Fitahiany handeha hiaraka aminay. Na any amin'ity saha ity izany na saha iray any am-pitan'ny ranomasina, na eo amin'ny mirentirenty izany, na ireo fandriam-piadanana, na any amin'ny lohan'ady izany, tsy mampaninona na mety ho aiza izany, Tompo, ny Sitraponao kely indrindra dia fanirianay faratampony hanompoana Anao. Ataovy mazava aminay fotsiny ilay izy, O Tompo, mba tsy hahadiso lâlana anay, satria mandeha ao amin'ny tontolo iray maizina sy jamba izahay, eo anivon'ny olona mpanota jamba. Noho izany, dia azavao ny lâlanay, Ray, ka tariho arak'izay Tianaq izahay, ondrin'ny Kijananao.

³³ Aoka ilay Mpiandry ny andian'ondry hitarika ny Olony moramora sy am-panetre-tena, raha miandry Anao izahay izao maraina izao ho an'ny Hafatra maraina. Enga anie ny Fanahy Masina hiresaka mazava amin'ny fo tsirairay ary enga anie izahay hahazo topi-maso ny amin'izay noresahan'ilay mpaminany, ary ao amin'izany, avy eo, dia hahazo an'ireo fitahiana be voninahitra an'ny Fanatrehan'Andriamanitra, mba hanamarina ny Teny tsirairay. Mangataka an'izany amin'ny Anaran'i Jesosy, Ilay Zanakao izahay, ny Mpamonjinay. Amena.

³⁴ Te-hangataka amin'ny mpanatrika antsika aho izao maraina izao, ireo miaraka amin'ny Baiboly, raha haniry ny hamaky hiaraka amiko izy ireo, an'ireo Soratra, na hanaraka ahy raha mamaky aho, raha hamadika ao amin'ny Bokin'ny Isaia ianareo.

Isaia mpaminany, ary ny toko faha-7, tiako ny hamaky avy amin'ny ampanahanteny Soratra ity. Ao amin'ny Isaia, ny toko faha-7, hanomboka amin'ny firesahan'Andriamanitra amin'i Ahaza isika, eo amin'ny andininy faha-10.

Dia mbola niteny tamin'i Ahaza indray ny TOMPO, nanao hoe,

Mangataha ianao famantarana avy amin'ny TOMPO Andriamanitro; mangataha na ao amin'ny lalina izany, na ao amin'ireo avo ambony.

Fa hoy Ahaza hoe, Tsy hangataka aho, na haka fanahy ny TOMPO.

Dia hoy izy hoe, Mihainoa ianareo...O ry ankohonan'i Davida; Ilay izy ve dia zavatra kely ho anareo ny manasatra ny olona, nefo ianareo dia hanasatra an'Andriamanitro koa?

Noho izany dia ny Tompo izy tenany no hanome famantarana ho anareo; Indro, hanan-anaka ny virijiny, ka hiteraka zazalahy, ary...hiantso ny anarany hoe Imanoela.

Ronono sy tantely no hohaniny, mba ahafahany hahafantatra ny handà...ratsy, ary hifi...hifidy...tsara.

Fa alohan'ny hahafantaran'ilay zaza handà...ratsy, na hifidy...tsara, ny tany izay naharaiki-tahotra anao dia hafoin'ireo mpanjaka...roa.

³⁵ Raha hilaza lohahevitra iray avy amin'ity aho, mba hisintonana foto-kevitra iray, dia tiako ny hampiasa ny teny hoe: *Famantarana Ambony Iray.*

³⁶ Rehefa manana an'ilay alina maizina indrindra isika, ary ilay izy dia toy ny hoe ao...matetika dia tena maizina ilay izy ao amin'ity alina ity ka tsy afaka mahita ny tànantsika eo anoloantsika akory aza isika, dia amin'izany fotoana izany no mampamiratra ny mamiratra indrindra ilay tselatra misampsampa. Nalefa tamintsika izany mba haneho fa afaka hisy hazavana ao anatin'ny aizina.

³⁷ Tamin'ny fotoana nanjakan'i Ahaza ity, ilay mpanjaka ratsy fanahy. Ary raha nahamarika ianareo, ny—tsy nandefa an'ilay hafatra nankany amin'i Ahaza mihitsy Tompo, fa tamin'ny ankohonan'i Davida. "Henoy, O ry ankohonan'i Davida! Ity no ho famantarana iray." Satria, tao amin'ny ady izy ireo, rahalahy nanohitra rahalahy, ary ilay izy dia toy ny hoe ilay ora maizina indrindra an'ny dian'i Isiraely sy ny fivahinianan'izy ireo. Fa Andriamanitra dia nanapoaka, tamin'ny alàlan'ilay mpaminany, famantarana Mandrakizay iray. Ankehitriny, ireo famantarana matetika dia...

³⁸ Manana famantarana ny olona. Ary miaina ao amin'ny tontolo iray feno famantarana isika. Niezaka hanatanteraka famantarana anankiray ny olona. Niezaka ny olona, tamin'ny alàlan'ny fikarohany siantifika, tamin'ny alàlan'ny zava-bitany manokana, hanamboatra famantarana iray izay ho malaza iray, na tsangambato iray an'ny fahaizany, hoe malaza toy ny ahoana izy, na tompon'ny saina toy ny inona izy. Nataony izany nanerana an'ireo taona.

³⁹ Ohatra, rehefa ilay fahaizana momba ny ranomasina an'izao tontolo izao, latsaky ny zato taona lasa izay, dia nanapa-kevitra fa tena nanan-tsaina izy ireo ka afaka hanome ho an'izao tontolo izao ny—ny famantarana iray an'ny asa fetsiny, hoe afaka manamboatra sambo iray ho an'ny tenany izy ireo ka tsy mety hisy onja goavana be iray ampy handrendrika azy. Ary izy ireo dia niantso an'io sambo anankiray io hoe Titanic. Tsangambato iray naharitra ho an'izao tontolo izao izany, hoe tonga teo amin'ny fahatanterahana iray ilay fahaizana lehibe an'ny fanamboaran-tsambo, ka afaka haneho amin'izao tontolo izao izy ireo hoe tsy mety ho rendrika io sambo io.

⁴⁰ Noho izany, miaraka amin'ny fiarovana rehetra teo ambonin'ny fahaizan'ireo mpanorina, sy ireo teniny sy resany, ary ireo porofo siantifika fa tsy nety rendrika io sambo io! Noho izany rehefa aseho amin'ny olona tahaka an'izany ireo zavatra, izy ireo—dia toy ny hoe mijanona manana antoka izy ireo fa mety tsara ny zavatra rehetra, raha mbola ny fikarohana siantifika foana no milaza fa mety ilay izy.

⁴¹ Noho izany dia nitety ny ranomasimbe tao anatin'io sambo io izy ireo, teo amin'ny diany, ary nahatsapa ho tena voaaro fa hoe tsy nisy na inona na inona afaka handratra azy ireo, nanao fetim-pisotroana goavana iray izy ireo. Ary ireo vehivavy sy lehilahy rehetra nitaingina, na, angamba ny maro tamin'izy ireo, afaka milaza aho hoe, lasa mamo; na dia, hoy izy ireo, na dia ilay mpanamory sy ilay kapiteny aza, ary izy rehetra ireo. Ary ireo mpitendry zava-maneno dia nanomboka niantsoantso an'ilay—ilay mozika jazz, izay lamaody nalaza tamin'izany andro izany, tahaka ny ananantsika ny rock-and-roll amin'izao andro izao. Satria, voaaro izy ireo, tao anatin'ny sambo iray izay nanomezan'ny olona famantaran'ny fahaizany ho an'izao tontolo izao izy ireo, hoe, “Afaka mahazaka ny onja rehetra na ny ranomasina rehetra ity sambo ity.”

⁴² Raha mbola tao anatin'io korontam-pisotroana io izy ireo, dia nandroso nankany amin'ny zavona izy. Dia nilaza ny iray tamin'ireo kapiteny, hoe, “Tsy maintsy manamarina an'ireo motera isika.” Saingy hoy ilay tompon-pahefana hoe, “Omeo azy ny, ‘Mandrosoa mahitsy!’ Tsy maintsy tonga any amin'ny seranana isika ho an'ny antso anankiray.” Raha mbola nitsofoka tao anatin'ny zavona izy, toy ny hoe izy no tompon'ny zava-

misy, tampoka teo, dia nandòna iceberg iray izy, ka nilentika any ambanin'ny rano.

⁴³ Ary nilazan'ilay poetry izay nanoratra an'ilay hira isika hoe, "Andriamanitra, tamin'ny Sandriny mahery, no mampiseho amin'ity izao tontolo izao ity fa tsy afaka maharitra izy."

⁴⁴ Lasa nankao amin'ny fanambanin'ny ranomasina ilay zavabitany'izy ireo malaza, niaraka tamin'ny olona mamo an-jatony sy an-jatony nitaingina. Tsy hety fotsiny izany.

⁴⁵ Itompokolahy Adolf Hitler no nanome famantarana iray ho an'ny vahoaka Alemandy fa izy dia tapi-pahaizana iray, fantany ny mikasika ny fiainana miaramila rehetra. Ary, tsy ny hanala baraka azy, tena nahafantatra betsaka ny amin'izany izy. Fa nanome antoka ny vahoaka Alemandy izy, tamin'ny alalan'ny fanamboarana an'ilay antsointsika hoe Maginot Line, na Siegfried Line, izay nandatsahany fangaron-tsimenitra an-davitrisany taonina sy vy miaraka. Naneho ny fahatokiany tao amin'izany, hoe hamindra an'ireo foibeny hatrany amin'ny lohalaharana izy, izay iasan'ireo trano fisakafoana sy toeram-piasana ao ambanin'ny tany, izay nasian'izy ireo vy sy simenitra an-davitrisany taonina. Tsy mampaninona na toy ny ahoana no nandehanany, voaisy manda i Alemania. Famantaran'ny fiarovana izany. Fa ilay impanapoaka rindrina moderina no nitsoka azy nankao amin'ny Mandrakizay, ary Hitler niaraka taminy.

⁴⁶ I Nimroda, indray andro, no nilaza fa hanorina tilikambo iray izy izay hitondra ny vahoakany, afaka naneho izy fa afaka mahavita amin'ny alalan'ny fahaizany. Ary tsy maintsy nanorina tilikambo iray izy izay handeha any ankoatr'ireo rahona, ka, raha mba tonga ny fahatezeran'Andriamanitra, dia afaka handresy Azy izy. Niaraka tamin'ny fikarohany siantifika, dia afaka nametraka an'ireo vatolampy sy vato tamin'ny fomba iray izy izay ahafahany hitondra ny olona hankany amin'ny fiarovana, amin'ny alàlan'ny fahaizany. Fa tonga tsinontsinona izany, tamin'ny fampifanjevoana fiteny, ka tsy afaka nahafarana an'ilay tilikambo akory aza izy ireo.

⁴⁷ I Nebokadnezara no nanorina an'ireo rindrini'i Babylona, ary avy eo dia nihambo mikasika an'izany. Tena lehibe, ka, lohan-tsoavalny enina sy kalesy no afaka nihazakazaka nanerana an'ireo rindrina. Tena goavana ireo vavahadiny, hany ka tsemboka nanala ny ainy teo amin'izy ireo ny lehilahy, nikapoka ny varahina tao amin'ireo vavahady izay nilanja an-jatony taonina; tao amin'ilay tanàna lehibe, naka andian-dehilahy izy ireo mba hampisavily azy ireo hisokatra. Tsy nisy olona afaka nikasika an'i Nebokadnezara. Fa indray hariva, tao amin'ny korontam-pisotroana iray, nihevitra fa voaaro tao ambadik'ireo rindriny siantifika izy ireo, niaraka tamin'ny fiadiany tamin'ny androny,

dia indro tonga ny Tàñana iray nanoratra teo amin'ilay rindrina. Dia izay no niafarany.

⁴⁸ Oh, toy ny ahoana no niezahan'ny olona hitondra ny olona hankao amin'ny fiarovana, hanosika ny tenany hankao amin'ny fiarovana, amin'ny alàlan'ireo famantarana'ny zavabitany manokana. Ilay izy dia toy ny hoe, satria mitady famantarana iray ny olona, dia tsy maintsy misy antony iray ho an'izany; zavatra ao anatin'ny olona iray izay hitaky antony iray na famantarana iray, avy any ho any, hoe afaka ny ho voaaro izy.

⁴⁹ Noho izany dia niteny mafy Andriamanitra, nanao hoe, "Hanome famantarana iray mandrakizay ho azy ireo Aho. Hanome famantarana iray mandrakizay ho an'ilay Fiangonana Aho." Tsy ho rindrina lehibe na tilikambo iray izany. Hoy Izy hoe, "Hanan-anaka ny virijiny, ka hiteraka Zazalahy, ary hiantso Ny Anarany hoe 'Imanoela.' Izany no ho famantarana Mandrakizay an'Andriamanitra." Tsotra toy ny ahoana! Kely toy ny ahoana!

⁵⁰ Azonareo ve fa ireo zavatra kely izay andalovanareo sy avelanareo, no midika betsaka amin'Andriamanitra? Afaka mahazo an'izany ve ny fiangonana izao maraina izao? Ao amin'ny zava-bitantsika toy ny rafi-pandaminana, sy ireo tranobeny lehibe sy sangan'asany, dia avelantsika ireo zavatra kely izay midika betsaka amin'Andriamanitra ary betsaka amin'ny fitodantsika Mandrakizay. Avelantsika ireo zavatra ireo.

⁵¹ Andriamanitra no milaza, hoe, "Hanome anareo famantarana iray Mandrakizay Aho. Hanan-anaka ny virijiny, ka hiteraka zazakely iray."

⁵² Nahoana, nahoana no zazakely iray, nahoana ilay izy no tsy maintsy ho—ho zazakely iray? Ilay Mpamorona Izy tenany ve no tsy maintsy tonga ka nipetraka tao anatin'ny Famoronany, mba ho famantarana iray ho an'ny olona? Nahoana ilay izy no tsy maintsy zazakely iray? Nahoana Izy no tsy afaka nilaza hoe, "Hanamboatra tohatra lehibe iray Aho, ary ianareo rehetra... tahaka ny nofin'i Jakoba. Na, handatsaka avy any An-danitra Aho, avy any amin'ireo lâlantsaran'ny Lanitra, tady iray, ka hanome hery ho anareo, mba, rehefa mandraikitra ny tenanareo ao amin'izany ianareo, dia hampakatra anareo Aho"?

⁵³ Saingy, lasa tena tsotra Izy. Ary nanao hoe, "Zazakely iray no ho teraka. Ho famantarana iray izany. Tsy ho famantarana iray fotsiny ihany izany, fa ho famantarana ambony iray." Zazakely iray! Nahoana, ny fahaizan'ny siansa dia hihomehy eo anatrehan'ny fisainana tahaka an'izany. Saingy, ho an'Andriamanitra, dia famantarana ambony iray izany. "Hanan-anaka ny virijiny, ary io zazakely io dia hantsoina hoe 'Imanoela,' izay raha hadika dia hoe, 'Andriamanitra miaraka amintsika.'" Izany ilay famantarana ambony.

⁵⁴ Andriamaniry ny Lanitra, miaina miaraka amin'ny olona, no famantarana ambony. Tsy famantarana iray ho an'io andro io fotsiny izany, fa ho an'izao andro izao ary ho an'ny andro rehetra, hoe miaina miaraka amin'ny Olony Andriamanitra. Imanoela, Andriamanitra miaraka amintsika, io no famantarana ambony. Io no famantarana Mandrakizay, ny famantarana mandrakizay, izay nomen'Andriamanitra.

⁵⁵ Ary nahoana Izy no lasa vovoka, ilay tena vovoky ny Famoronany Manokana mihitsy? Lasazany ilay Mpamorona, vovoky ny Famoronany.

⁵⁶ Ny olona dia miezaka manao zavatra goavana be. Fa, rehefa nanome famantarana iray Andriamanitra, dia zavatra kely izany. Ny olona miezaka ny hiandraikitra raharaha goavana. Andriamanitra miandraikitra raharaha kely. Ny olona miezaka milaza hoe, "Satria ny olona rehetra manaraka an'ity lalana ity, dia ndao isika hanao tahaka ny atao izy ireo any Hollywood." Mila vitsy an'isa Andriamanitra. Tiany ny—ny hamela an'ireo zavatra goavana rehetra, mba handraisana an'ilay anankiray kely.

⁵⁷ "Zazakely iray no ho teraka, Imanoela kely no ho teraka." Andriamaniry ny famoronana lasa ampanahany Famoronany Manokana. Andriamanitra, ilay Mpamorona ny Lanitra sy ny tany, Izay nanao ny vovoka sy ny hazo, ary ireo zavatra rehetra izay misy, dia lasa ampanahany ireo. Ho famantarana iray izany, ho tonga amin'ny alalan'ny fomban'olombelona iray Izy.

⁵⁸ Ankehitriny, afaka tonga tamin'ny fomba hafa iray Izy. Afaka tonga tamin'ny alalan'ny fomba hafa Izy, an'ny—an'ireo fomba hafa izay Nananany hahatongavana.

⁵⁹ Fa nifidy ny ho tonga tahaka an'io Izy, mba hanome famantarana iray, ilay famantarana ambony. "Hanan-anaka ny virijiny, ka hiteraka Zazalahy, ary izy ireo hiantso Azy hoe 'Imanoela.'" Ankehitriny, ho an'ny inona izany? Inona no antony?

⁶⁰ Nahoana Izy no tsy nifidy ho lasa Anjely iray? Afaka nanao an'izany Izy. Izy dia afaka tonga ho—ho lehilahy lehibe tanteraka iray. Afaka ho lasa miaraka amin'ny fiarahabana feno avy any An-danitra Izy, miaraka amin'ireo Anjely sy ireo Vatan-Danitra rehetra; mampidina avy amin'ireo lalantsaran'ny Lanitra, an'ilay tohatra volamena, ary afaka nidina niaraka tamin'ny Anjely mpitendry zava-maneno Izy. Afaka nanao an'izany Izy.

⁶¹ Saingy hoy Izy hoe, "Hanome anareo famantarana iray Aho, famantarana ambony iray, famantarana iray mandrakizay. Hanan-anaka ny virijiny, ka hiteraka zaza iray."

⁶² Ary rehefa tsy maintsy nifantina toerana iray mba hahaterahan'io zaza io Izy. Afaka nidina tamin'ilay tohatra Izy, niaraka tamin'ny fiarahaban'ny Lanitra rehetra. Afaka

nidina avy tany An-danitra tahaka ny Anjely iray Izy, na nidina tahaka ny lehilahy lehibe tanteraka iray. Fa Izy, ihany koa, dia afaka tonga tao anatin'ny lapan'ny mpanjaka iray.

⁶³ Saingy hoy Izy hoe, “Hanome famantarana iray Aho.” Ary notenenina tamin’ireo mpiandry ondry ilay famantarana hoe, “Ianareo hahita Azy ao anaty tranon’omby, voahodidina lamban-jaza.” Izany ilay famantarana ambony, teraka teo ambonin’ny antontan-jezika, sy ny hamaimbon’ilay tranombiby, tsy nisy akanjo akory aza napetraka teo Aminy, Imanoela. Ny devoly dia tia manao zavatra goavana sy mamiratra. Andriamanitra mitahiry an’ireo zavatra manetry tena. Famantarana ambony iray hoe, “Hahita an’ilay Zazakely voahodidina lamban-jaza ianareo, mandry ao anatin’ny fihinanam-bilona. Ho famantarana iray izany, ilay famantarana ambony.” Fony Izy teto an-tany, dia tena nahantre Izy. Ahoana fa isika dia miresaka ny amin’ny fotoan-tsarotra? Iza io Anankiray kely io? Izany no Jehovah!

⁶⁴ Lasa olona Jehovah Andriamanitra, lasa firazanantsika, namadika ny Tenany avy tamin’Andriamanitra, ary lasa olona. Io ilay famantarana. Lasa... Andriamanitra Izy, ary lasa olona; tsy olona manan-karena, fa olona mahantre. Io no famantarana ambony. “Nangataka famantarana iray ianareo,” hoy Andriamanitra, “hanome anareo anankiray Aho, famantarana iray mandrakizay.”

⁶⁵ Afaka tonga tamin’ny fomba hafa Izy, araka ny nolazaiko, saingy, zazakely iray, nahoana Izy no lasa zazakely iray? Rehefa io vava kely voalohany, tsy nisy nify io no nisokatra tao anatin’io fihinanam-bilona io, teo amin’io fandrian-jaza voalohany io... marainan’ny Krismasy voalohany io, tao anatin’ny Fandrian-jazany fihinanam-bilona kely, ka nivoaka avy tamin’ny Feony ilay vazavaza kely, dia izany no Andriamanitra nitomany. Jehovah nitomany, olona iray; avy tamin’Andriamanitra, ary olona, ny manontolo rehetra, olona. Tonga teto amin’izao tontolo izao tsy nanana na inona na inona, saingy mbola olona foana. Inona no Nezahany natao? Inona no Nokendreny?

⁶⁶ Nitomany tahaka ny zazakely iray Izy, tao anaty fihinanam-bilona. Nilalao tahaka ny zazalahy iray Izy, teny an-dàlambe. Niasa mafy tahaka ny olona iray Izy, saingy Izy no Imanoela. Io ilay famantarana ambony. Andriamanitra monina ao anatin’ny famoronana izay Noforoniny. Ilay famantarana ambony hoe, “Hisy famantarana iray ho anareo.”

⁶⁷ Tena nahantre Izy, rehefa tonga teto an-tany Izy, tonga tamin’ny alàlan’ny kibo iray nindramina Izy, kibom-behivavy iray nindramina. Ary tsy maintsy nindrana fasana iray, mba hilevenana. Andriamanitra! “Hanan-anaka ny virijiny, tsy misy firaisansa ara-nofo.” Jehovah dia nindrana ny kibon’i Maria, vehivavy iray, mba hanatanteraka ny andraikitra

mba Hanomezany famantarana iray mandrakizay. Ary tena nahantara, teto an-tany, taorian'ny telo amby telopolo taona sy tapany, an'ny asam-panompoana, ka tsy maintsy nindrana fasana iray Izy mba hilevenana. Azonareo eritreretina ve? Miresaka ny amin'ny fahaterahana madio, inona no tianareo lazaina, na ahoana na ahoana?

⁶⁸ Tsy afaka mahita an'ilay tena famantarana ve ianareo? Izany no Jehovah lasa isantsika. Jehovah Andriamanitra teto an-tany, tahaka ny mpandositra iray, mpivahiny iray teto an-tany izay Noforoniny; nolavina, sy natositosika, sy nihomehezana, ary novingavingaina; Vato manafintohina iray ho an'ny tsi-mpino, Vatolampy iray an'ny fahatafintohinana; devoly iray, ho an'ilay tontolo mpivavaka. Saingy famantarana iray Mandrakizay ho an'ilay mpino, "Andriamanitra miaraka amintsika," ilay famantarana ambony. Hitanareo ve izany? Andriamanitra tonga voaseho, Andriamanitra maneho ny Tenany amin'izao tontolo izao, toy ny mpandositra iray. Afaka tonga tamin'ny fomba hafa iray, saingy nifidy ho tonga tahaka an'izany.

Henoy Ity. Aza diso an'Izany.

⁶⁹ Heveriko fa Andriamanitra dia nanana tao an-tSainy, fa hahaliana ny olombelona izany. Izany izy, ho an'ilay mpino. Mahaliana izany rehefa lasa isantsika ny Andriamanitsika. Fa, ho an'ilay vato madity, tsy masina, dia vato manafintohina iray. "Hanome anareo an'ilay famantarana Aho, hanan-anaka ny virijiny. Hiaraka aminareo Imanoela." Nihevitra Andriamanitra fa hahaliana ny taranak'olombelona izany, hoe ho isantsika ny Andriamanitsika, hoe hamadika ny Tenany Izy ka ho lasa vovotsika, hoe ho lasa firazanantsika Izy, firazanan'olombelona; ilay Mpamorona Izay nanao ny zavatra rehetra.

Ary, izao indray, nahatanteraka ny faminaniana izany. Efa nahita an'izany ireo mpaminany.

⁷⁰ Ary zavatra hafa iray, "Tonga vovoka ny Teny, nofo, ka nonina teo anivontsika." Ilay Jehovah, ilay Teny dia lasa olombelona, lasa vovoka ka nitoetra niaraka tamintsika. Famantarana *mandrakizay*, "tsy hifarana mihitsy." Oh, rehefa mieritreritra an'izany isika, famantarana Mandrakizay, ireo famantarana ambony amin'ny famantarana rehetra, Andriamanitra lasa isantsika.

⁷¹ Avy eo, indray, tsy maintsy Taranak'i Abrahama Izy. Abrahama, mazava ho azy, dia taranak'i Eva. Eva... "Dia ilay Taranaky ny vehivavy izay tsy maintsy hanorotoro ny lohan'ny menarana." Fa, Abrahama, raha afaka mahatakatra an'izany ianareo, dia nanana finoana an'Andriamanitra izy, izay nampiray ny Fanahin'Andriamanitra tamin'ny nofon'olona. Teo no nahatongavan'ny finoana. Izany no antony Nahafahany ho Taranak'i Abrahama, tsy ny nofo manontolo, fa ny firaisan'ny Fanahy sy ny nofo miaraka. Andriamanitra, manao ny Tenany . . .

manendaka, manongotra ny ratsy rehetra, mampanaiky ny nofo, ilay vovoka izay Noforoniny, ary miaina miaraka aminareo toy ny—ny mpiara-miasa.

⁷² Zavatra hafa iray, tsy nandika na nanohitra ny iray tamin'ireo Lalàny mihitsy Izy. Tsy afaka manao an'izany Izy. Noho izany, "Virijiny iray. Hanome anareo famantarana iray Aho." Tsy Titanic iray, tsy U.N. iray, fa, "Hanome anareo famantaran'ny fiarovana iray Aho. Hanan-anaka ny virijiny, ka hiteraka Zazalahy izy, ary hiantso Azy hoe 'Imanoela.'" Izany ilay famantarana. Eny.

⁷³ Hitanareo, ao amin'ireo lalàn'ny fanavotan'Andriamanitra, tahaka azy tamin'i Boaza sy Naomy, dia tsy maintsy ho havana akaiky iray ilay izy. Ary ny fomba tokana ahafahan'io olona io ho avotana, dia tsy maintsy lasa havana iray Andriamanitra, akaiky. Tiako ho hitanareo izany. Tsy lasa havana mihitsy Izy, amin'ny manontolo, an'ny manan-karena, an'ny lehibe. Fa teraka tao an-tranon'omby Izy, voahodidina lamban-jaza; tsy ho an'ny lehibe, fa ho an'ny zaza. Izy no Andriamanitra teo ambonin'ny famoronana. Izy no nifidy hanao an'izany, tsy tonga ho lehilahy lehibe tanteraka iray. Tonga Izy mba Ahafahany hiharitra ny fahatsapan'ireo zaza kely. Tonga Izy mba Ahafahany mandalo an'ireo fakam-panahin'nyadolantsento. Ahafahany mandeha, mba Ahafahany miasa an'ireo asa mafy sy ireo fandriky ny devoly, amin'ny mahalonola iray, ka manao lâlana ho an'ny olona amin'ny taona rehetra, amin'ny taona rehetra sy amin'ny kilasy rehetra: ny mahanttra, ny manan-karena, ny rehetra. Lasa mahanttra Izy, mba, amin'ny alalan'ny Fahantrany, no ahafahantsika ho lasa manan-karena sy mpandova miaraka Aminy ao amin'ny Fanjakana. Famantarana iray no homena, namadika ny Tenany, nanao ny Tenany ho zavatra hafa noho izay naha-izy Azy; famantarana ambony iray ankehitriny, nitomany tahaka ny zazakely iray, nilalao tahaka ny zazalahy iray, niasa mafy tahaka ny lehilahy iray, saingy izany no Andriamanitra niaina ny dingam-piaianana rehetra tahaka antsika.

⁷⁴ Fantatrareo, nanome famantarana maro Andriamanitra hoe Izy no Andriamanitra. Nanome famantarana iray Izy ho an'ilay tontolo talohan'ny safodrano, hoe Izy no Andriamanitra, ilay Andriamanitra ny fitsarana. Nalentiny ny olona tamin'ny andron'i Noa, fa natsingevany tao anatin'ny sambofiara iray ny marina; famantarana iray hoe marina Izy, ary azo antoka ny fitsarana. Famantarana iray izany, hoe ny mpanota tsirairay izay tsy mibebaka dia ho levona ao amin'ny fitsarana, fa ny marina dia hovonjena amin'ny famindrampon'Andriamanitra.

⁷⁵ Nanome famantarana iray hafa Izy tao amin'ilay roimemy nirehitra. Inona izany rehefa Azony ny Mpaminaniny nandositra, "Reko ny fitarainan'ny Oloko, ary Tsaroako ny Fanekeko"? Nanome famantarana iray hafa Izy teo, hoe Izy

no Andriamanitra iray mpihazona fanekena, ka Tsaroany ny zavatra rehetra izay Nolazainy, ny teny fikasana tsirairay izay Nataony. Nanome famantarana iray teo amin'ilay roimemy nirehitra hoe, "Ary midina Aho mba hanafaka azy ireo."

⁷⁶ Diniho Andriamanitra ao amin'ireo Fomba fiasany. Rehefa namorona ny Lanitra sy ny tany Izy, dia niantso an'ireo Anjely niaraka Izy, ka hoy Izy hoe, "Ndao isika." Ny toerana tsirairay ao amin'ny Soratra izay Nanaovany zavatra, ny ankamaroany, "Tsy Izaho, fa Ny Raiko."

⁷⁷ Fa rehefa tonga teo amin'ny drafi-panavotana ilay izy, dia tonga irery Izy. Tsy nisy olona niaraka Taminy. Izy no hany Tokana izay afaka tonga. Tsy afaka nanao an'izany ny Anjely iray. Olona iray hafa, nantsoina hoe ny Zanany, tsy afaka nanao an'izany. Anankiray nantsoina ho zavatra hafa, virijiny masina iray, na reny masina iray, na-na olo-masina iray, tsy afaka nanao an'izany. Andriamanitra no tsy maintsy tonga! "Ary hanome anareo an'ilay famantarana Aho. Hanan-anaka ny virijiny; ary zazakely iray no ho teraka, ary Izy no ho Imanoela, Andriamanitra miaraka amintsika," ilay famantarana ambony. Andriamanitra ao amin'ny Olony. Andriamanitra miaraka amin'ny Olony. Andriamanitra lasa Olony. Lasa iray Andriamanitra sy ny olona. Famantarana iray! Vato manafintohina iray ho an'izao tontolo izao, fa fanantenana voatahy iray ho an'ilay mpino. Famantarana iray izay ho tenenina ratsy.

⁷⁸ Nanana fotoana hafa iray izay Nanaporofoiny Izy. Noporofoiny tao amin'ilay safodrano fa Izy no Andriamanitra iray an'ny fitsarana, ary Andriamanitra iray an'ny famindrampo ho an'ireo izay mitandrina Ny Didiny.

⁷⁹ Nasehony teo amin'ilay roimemy nirehitra, tamin'ny alàlan'ny famantarana iray, fa hihazona ny teny fikasana tsirairay izay Nataony Izy.

⁸⁰ Ary teo amin'ny Ranomasina Mena, dia Nasehony fa Izy no hanao lâlana iray ho an'ireo izay niezaka nanao ny marina sy nanaraka Ny Didiny. Tsy mampaninona izay rantsanan'izany, nanaporofo Andriamanitra teo amin'ny Ranomasina Mena, ka nanome famantarana iray, hoe afaka nanokatra ny ranomasina Izy. Amin'ny fakam-panahy tsirairay, dia hanao lâlana iray handosirana Izy. Hoy ianareo, "Tsy mino an'Izany i neny. Tsy mino an'Izany i dada. Tsy mino an'Izany ny fiangonana." Tsy ahoako izay tsy mino an'Izany. Raha mino an'Izany ianareo, dia hanao lâlana iray handosirana Andriamanitra. Nanome famantarana iray Izy hoe hanao Izy. Teny amin'ny lâlany izy ireo, nahitsy nankany amin'ilay tany nampanantenaina, izay nampanantenain'Andriamanitra azy ireo. Ary nanidy azy ireo ny Ranomasina Mena, ka tafiditra tao anatin'ny olana izy ireo. Tsy fantatr'izy ireo izay hatao. Nasehon'Andriamanitra

fa hanao lèlana iray handosirana Izy amin'ny fakam-panahy tsirairay, ny fizahan-toetra tsirairay. Tsy afaka miala amin'ny fifohana ve ianareo? Raiso indray mandeha Andriamanitra. Tsy afaka miala amin'ny lainga ve ianareo, tsy afaka miala amin'ny fangalarana, tsy afaka miala amin'ny fahatezerana? Ento miaraka aminareo indray mandeha Andriamanitra. Raha tsy mahatsapa handeha any am-piagonana ianareo, ary tsy afaka ho tonga na aiza na aiza; ento miaraka aminareo indray mandeha Andriamanitra, raiso ny Fampanantenany. Nanaporofo Izy, teo amin'ny Ranomasina Mena, fa Izy no hanao lèlana iray handosirana. Nanome famantarana maro Andriamanitra.

⁸¹ Tamin'io alina io rehefa nilaza tamin'ireo mpiandry ondry Izy hoe, "Mandehana midina mankany Betlehema, fa amin'ity andro ity no teraka Kristy ilay Mpamony. Kristy, ilay Andriamanitra voahosotra, dia ateraky ny vehivavy iray amin'ity andro ity." Andriamanitra!

⁸² Tsy manao azy ho andriamanitra iray, ankehitriny. Nindrana ny kibon'ilay vehivavy fotsiny Izy, tahaka ny Indramany an'ity vatana ity mba hitoriana ny Filazantsara. Tahaka ny Indramany ny vatanareo, hanao ny asa izay Tiany hatao amin'ny alàlanareo, satria mbola Imanoela foana Izy, famantarana iray, Andriamanitra miaraka amin'ny Olony. Andriamanitra miaina eo anivon'ny Olony, ilay famantarana ambony, mandrakizay. Tsy mety diso mihitsy izany. Ho famantarana foana izany.

⁸³ Miresaka mikasika an'ireo famantarana ireo ianareo, ahoana ny amin'ity anankiray ity? Alohan'ny hany ahafahanareo hahazo famantarana hafa iray, ny famantaran'ny fitenenana amin'ny fiteny tsy fantatra, ny famantaran'ny faminaniana, ny famantaran'ny ivelan'ny voajanahary rehetra, dia tsy maintsy hiverina amin'ilay famantarana tany am-boalohany ianareo, ilay famantarana Mandrakizay sy mandrakizay. Mandehana mahitsy, mba hanombohana, ary eo ambonin'io fototra io, izay Vatolampy nanerana an'ireo taona, ka tsy hisy na inona na inona hany hikasika azy. Hanohitra an'izany ireo vavahadin'ny Helo, fa tsy haharesy. Raiso io famantarana io, "Hanan-anaka ny virijiny, ka hiteraka Zazalahy."

⁸⁴ Ary niteny tamin'ireo mpiandry ondry ireo Izy hoe, "Toy izao no hahitanareo Azy. Ho ao anaty fihinanam-bilona iray Izy, ao anaty tranom-biby iray, voahodidina lamban-jaza. Ary rehefa mijery Azy ianareo, dia minoa, satria Izy no Andriamanitra eo anivontsika."

⁸⁵ Tsy ho an'ireo mpiandry ondry irery ihany io famantarana io. Fa nomena ho an'izao tontolo rehetra izao izany, mba hijery Azy ka hahita hoe iza Izy. Izany no Andriamanitra miaraka amintsika, Imanoela.

⁸⁶ Fony Izy teto an-tany, dia Noporofoiny fa Izy no Andriamanitra. Noporofoiny fa Andriamanitra no tao Aminy, satria nanaraka Azy ireo famantaran'Andriamanitra. Hoy Izy hoe, "Raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha manao an'ireo asan'Ny Raiko Aho, raha tsy mino Ahy ianareo, dia minoa an'ireo asa, ilay famantarana." Imanoela! "Izaho sy Ny Raiko dia iray. Ny Raiko no naniraka Ahy. Ary tahaka ny Anirahany Ahy, no Anirahako anareo koa. Ny Ray, izay naniraka Ahy, dia miaraka Amiko. Izy no ato Amiko ary manao an'ireo asan'ny Tenany. Izany no Andriamanitra ao amin'ny nofo."

⁸⁷ Tsy efa nanandrana an'izany ve i Lota talohan'ny fandravàna? Rehefa, nahita an'Andriamanitra voaseho tao amin'ny nofo izy, nihinana zanak'omby iray, nisotro rononon'ombivavy iray, nihinana mofo avy teo am-patana, ary nitsangana niaraka tamin'ny Lamosiny nitodika nankany amin'ny tranolay, ary niaraka tamin'ny mpisolo anarana hoe "Izaho." "Izaho, satria Abrahama no mpandova an'izao tontolo izao, Izaho..." Amin'ny teny hafa, "Izaho no hampahafantatra azy an'izany."

⁸⁸ Iza Izy? Avy eo dia hoy Izy hoe, "Abrahama, aiza ny vadinao, Saraha?" Nanaitra azy izany. Andriamanitra, ao amin'ny sary mialoha an'i Kristy, tonga nofo.

Hoy izy, "Ao anaty tranolay izy, Aorianao."

Nihomehy i Saraha. Dia hoy Izy hoe, "Nahoana no nihomehy i Saraha?"

⁸⁹ Rehefa tonga tamin'ny alàlan'ny kibon'ny vehivavy iray i Imanoela, raha tokony niseho toy ny teofania iray, dia hoy Izy hoe, "Tahaka ny tamin'ny andron'i Lota, dia ho toy izany koa amin'ny fihavian'ny Zanak'olona."

⁹⁰ Fony Izy teto an-tany, dia nandeha niaraka tamin'ny Filazantsara ireo apostoly, ka na dia ireo Anjely aza dia njery teo amin'ireo andrin'ny Lanitra, ireo lâlantsaran'ny Tanin'ny Voninahitra, mba hijery an'Izany. Ianareo izay mandray naoty ny Soratra, satria mahita anareo manoratra aho, Timoty Voalohany 3:16. "Iaraha-manaiky fa lehibe ny zava-miafina ny amin'ny toe-panahy araka an'Andriamanitra: fa Andriamanitra dia voaseho tao amin'ny nofo, ninoana teto amin'izao tontolo izao, hitan'ireo Anjely." Nitsangana ireo Anjely mba hijery an'Andriamanitra. Efa nanofahofa ny tehiny teo Anatrehany izy ireo fahiny, niantsoantso hoe, "masina, masina, masina," rehefa nipetraka Izy Tany, tahaka ny Andry Afo iray, tao amin'ireo voninahity ny Lanitra. Fa rehefa lasa olona Izy, dia tonga ireo Anjely ka njery mba hahita Azy, Jehovah, tonga nofo. Azo antoka, "Iaraha-manaiky fa lehibe ny zava-miafina ny amin'ny toe-panahy araka an'Andriamanitra."

⁹¹ “Hanome anareo famantarana iray mandrakizay Aho,” satria tonga nofo eo anivontsika Andriamanitra. Nonina tao amin’ny nofo Izy. Ho famantarana iray mandrakizay izany. Tsy ho an’ireo mpiandry ondry irery ihany ny hijery sy hino, fa ho anareo Branham Tabernacle, ary ho an’ity izao tontolo izao lozabe ity, mba hino fa Andriamanitra izany. Andriamanitra no nanome an’io famantarana io. Hoy Jesosy hoe, “Tahaka ny nanirahan’ny Ray velona Ahy, sy tonga niaraka Tamiko, ary ato Amiko; dia toy izany koa no Anirahako anareo, ilay Ray velona no handeha hiaraka aminareo ary ho ao anatinareo, famantarana iray mandrakizay. Izao famantarana izao no hanaraka an’ireo izay mino. Indro, homba anareo Aho, ho ao anatinareo mihitsy aza, hatrany amin’ny faran’ny tany. Homba anareo Aho. Ny faran’izao tontolo izao, ho eo miaraka aminareo Aho.”

⁹² Ny olona iray, araka ny nolazaiko teo aloha, dia te-hanao Azy ho Andriamanitra kely, tsy ampy. Olona Izy; nampiasa olona iray Andriamanitra. Nampiasa nofo iray izay Noforoniny Andriamanitra, Izy tenany, mba hamorona amin’ny Alàlany, “Ary mba hitondrana zanaka maro amin’ny Alàlany,” hoy ny Soratra, “amin’ny alàlan’io Zanaka mankatò io. Tamin’ny alàlan’ny zanaka anankiray, dia lavo ny rehetra. Amin’ny alàlan’ny Zanaka iray mankatò, dia ho velona ny rehetra, izay mino.”

“Andriamanitra miaraka amintsika,” famantarana iray, no nilaza fa ho famantarana iray izany. Tena Tiany ny nanondro ny Tenany ho “Zanak’olona,” olona ny Tenany, olona iray fotsiny. “Tsinontsinona Aho; tsy afaka manao na inona na inona amin’ny Tenany ny Zanaka.” Fa ny Ray no tao Aminy, ilay Imanoela, ilay Andriamanitra.

⁹³ Ilay—ilay zazakely, Andriamanitra, Jehovah Andriamanitra. Io zaza kely nitomany io, io no Jehovah. Afaka mahita an’izany ve ianareo? Andriamanitra velona ao anatin’ny zazakely iray.

⁹⁴ Andriamanitra velona ao anatin’nyadolantsento iray. Karazanaadolantsento iray inona Izy? Izy nonanome ny ohatra. Rehefa narian’ny Rainy sy ny Reniny Izy, dia nitady mba hahita Azy izy ireo, ka nahita Azy tao an-tempoly. Inona no Nolazainy, amin’ny maha-adolantsento? “Tsy fantatralo ve? Tsy fantatralo ve fa tsy maintsy manao ny asan’Ny Raiko Aho?” Ohatra ho an’ireoadolantsento.

⁹⁵ Amin’ny maha-olona, miaraka amin’ny fisehosehoana rehetra an’izao tontolo izao natolotra Azy, ny zavatra rehetra dia nipetraka teo an-Tànany mihitsy, mba ho lasa ilay malazaindrindra amin’ny olona rehetra, ilay manan-karenaindrindra amin’ny olona rehetra; Iza no afaka niteny tamin’ny olona hoe aiza no nisy trondro izay nanana vola madinika tao am-bavany, afaka nipaompy ny rano tsaraindrindra avy tao amin’ireo fantsakana ka namadika an’izany ho divay, izay

afaka nanova ny zavatra rehetra izay Tiany ovaina; izay afaka naka bisky dimy ka namahana dimy arivo. Niaraka tamin'ny fahefana teny an-Tànany mba ho lasa lehilahy malaza iray, saingy mbola nifidy foana ny ho mantra. Tsy nanana fasana iray akory aza rehefa maty Izzy. Tsy maintsy nindrana anankiray Izzy. "Imanoela, ho famantarana iray izany." Ahoana no ahatongavan'Andriamanitra? Ao amin'ny mantra. Ahoana no iasan'Andriamanitra? Ho famantarana iray mandrakizay izany, miaraka amin'ny mantra, ilay tsy nianatra.

⁹⁶ "Famantarana iray," hoy ilay mpaminanivavy lehibe, Ana, rehefa nanangana ny tànany tao an-tempoly i Simeona, ka nihazona an'io Anankiray kely io tao anatin'ny lamban-jaza. Hoy i Ana hoe, "Ho famantarana iray izay ho tenenina ratsy izany, ho an'ny fahalavoan'i Isirael, fa fanangonana miaraka indray, ihany koa, Hazavana iray ho an'ireo Jentilisa."

⁹⁷ Inona? "Andriamanitra miaraka amintsika," tsy ao amin'ilay manan-karena sy ilay mpiavonavona, fa ao amin'ilay mantra. Teraka tao an-tranon'omby, "Andriamanitra miaraka amintsika." Karazan-javatra inona no Nataony? Diniho ireo Zavany izay Nolazainy. Diniho Izzy, izay Nolazainy.

⁹⁸ Satria, Andriamanitra Izzy tenany no nilaza hoe, "Ity no Zanako Malalako, henoy Izzy. Ity No Zanako Izay Sitrako honenana. Henoy Izzy." Hoy Izzy hoe, "Homba anareo mandrakariva Aho, hatramin'ny farany mihitsy aza."

⁹⁹ Naniraka an'ireo Apostolinny Izzy. Nandrehitra ny tany izy ireo, tamin'ny androny, rehefa anankiray miaraka amin'ny olona Andriamanitra. Nanao batisa ny olona izy ireo tamin'ny Anaran'io Andriamanitra io, Jesosy Kristy. Niaina tena akaiky Azy izy ireo hany ka naneho ny Tenany tamin'ny alàlan'izy ireo Izzy, tamin'ny alàlan'ireo famantarana sy fahagagana ary fanomezam-pahasoavan'ny Fanahy Masina. "Andriamanitra miaraka amintsika." Nitory izy ireo fa nisy Andriamanitra anankiray marina sy velona.

¹⁰⁰ Ny olona dia nanorina an'ireo karazana tilikambo rehetra teo ambonin'ireo andriamanitra telo na efatra, na andriamanitra roa, fa Andriamanitra anankiray no misy. Izany Hafatra izany no tokony ho velomina indray amin'ny andro farany.

¹⁰¹ Tsaratsara kokoa aminareo ny mieritreritra ankehitriny, sokafy ny fonareo. Mangataha amin'Andriamanitra mba hanambara an'ity aminareo, izay omaniko ho lazaina.

Rehefa tonga Izzy, dia Izzy no nanatanteraka an'izay nolazain'ny mpaminany.

¹⁰² Ary rehefa tonga Izzy amin'ny andro farany, amin'ireo fara-oran'Andriamanitra, rehefa hiraraka ny voalohany sy ny fara-orana, dia tonga marina tokoa arak'izay naminaniana ny Aminy Izzy. "Hisy Hazavana amin'ny andro hariva." Inona no tsy maintsy nitranga? Imanoela, ilay Zanaka

iray ihany, ilay Hazavana iray ihany, ilay Andriamanitra iray ihany izay tonga nonina ao anatin'ny nofo, niaraka tamin'ny Olony tamin'ny Andron'ny Pentekosta, no ho tonga amin'ny fanao mitovy amin'ny andro farany, satria hisy ny Hazavan'ny hariva. Inona izany? Hisy famantarana iray, famantarana iray mandrakizay: Andriamanitra miaraka amintsika, Andriamanitra ao anatintsika, Andriamanitra amin'ny alàlantsika. Lasa iray ny olona sy Andriamanitra. Maty Jesosy, ka Nomeny io aina sarobidy io, araka ny Fanapahankeviny. (Tao amin'ny Hafatry ny Alahady lasa.) Satria, Nomeny tamin'ny fanapahan-kevitra iray izany, mba Ahafahany mitondra zanaka maro ho an'Andriamanitra. Imanoela miaraka amintsika. Ilay vahoakan'ny Hazavan'ny hariva, izany no hanintonia azy ireo.

¹⁰³ Rehefa nomen'Andriamanitra ilay famantarana hoe, "Izao no ho famantarana iray. Honina ao anatin'ny nofo Andriamanitra." Nihevitra Izy fa hanintonia ny olona izany. Nanintonia izany. "Fa izay rehetra nandray Azy, dia Nomeny Hery izy ireo mba ho lasa zanak'Andriamanitra."

¹⁰⁴ Ary natao hanintonia ny vahoakan'ny Hazavan'ny hariva izany rehefa nameho io Hazavana iray ihany io. Andriamanitra sy Kristy dia iray. Hoy Petera hoe, "Aoka ho fantatrareo izao, fa Andriamanitra dia nanao an'iny Jesosy iray ihany iny, Izay nohomboanareo, ho Tompo sy Kristy." Famantarana iray, notenenina ratsy, saingy eto ireo Hazavan'ny hariva.

¹⁰⁵ Tahaka an'ilay itompokolahy mpitoritenin'ny Filazantsara, rehefa nanomboka lavo voalohany ilay hafatra pentekotista, ilay itompokolahy Dr. Haywood, nialoha mihitsy...Izy, heveriko, dia tsy...Angamba tao amin'ny tsarany indrindra izy, indray andro rehefa nandòna azy ny Fanahy. Poety iray izy, ankoatry ny mpitory teny iray. Nandramby ny peniny izy ka nanoratra an'izany.

Hisy Hazavana amin'ny andro hariva,
Ny lâlan'ny Voininahitra dia azo antoka fa ho
hitanao;
Ao amin'ny lâlan'ny rano no misy ny Hazavana
amin'izao andro izao,
Voalevina ao amin'ny Anarana sarobidin'i Jesosy.
Tanora sy antitra, ibebaho ny otanareo rehetra,
Dia azo antoka fa hiditra ny Fanahy Masina;
Satria tonga ireo Hazavan'ny hariva,
Tena zava-misy fa Andriamanitra sy Kristy dia
Iray.

¹⁰⁶ Ireo Hazavan'ny hariva! Raha mandeha ao amin'ny Hazavan'ny hariva isika, ilay famantaran'ny hariva, amin'izay fotoana izay dia tsy maitsy ho ilay Hazavana iray ihany sy famantarana iray ihany izany, famantarana iray Mandrakizay.

Noho izany dia ireo famantarana iray ihany no hanaraka an'ilay Hazavan'ny hariva. Fioo! Hitanareo ve Izany? Afaka hahazo an'Izany ve ianareo? Izany no Hafatr'ity Krismasy ity. Ireo Hazavan'ny hariva, ireo famantarana'ny Mesia manaraka an'Izany, manaraka an'ilay Hafatra. Eto ireo Hazavan'ny hariva.

¹⁰⁷ Notenenina ratsy izany. Handà anareo izy ireo, ireo rahalahinareo. Iza no nandà Azy? Ireo Rahalahiny Tian'izy ireo ny hahita Azy manao an'ireo fahagagana. Saingy rehefa tonga teo Kalvary ilay izy, dia taiza no nisy azy rehetra ireo? Rehefa tonga eo amin'io fotoana manan-danja io ilay izy, izay tsy maintsy hahatonga an'Andriamanitra ho voaseho ao amin'Ny Fahamarinany sy Ny Baiboliny, dia aiza izy ireo? Niala izy ireo.

¹⁰⁸ "Hisy famantarana iray homena anareo. Ary izao famantarana izao no hanaraka. Ireo asa izay Ataoko, no hataonareo koa; mihoatra noho izany mihitsy aza, satria mankany amin'Ny Raiko Aho."

¹⁰⁹ "Hisy Hazavana indray amin'ny andro hariva." Oh, ity andro maizina izay efa nandalovantsika ity! Fa nandritry ny efapolo taona no efa nihatahan'ireo rahona, nandritry ny fanavaozana voalohany, tamin'ny fitondrana ny Hafatra hoe Andriamanitra sy Kristy dia iray, hoe Andriamanitra dia tonga voaseho tao amin'ny nofo. Nifidy ny honina ao anatin'ny nofon'olombelona Izy. Ary amin'izao andro izao dia manao Azy ho zavatra iray mipetraka eo ambonin'ny seza fiandrianana iray izy ireo, manao Azy ho zavatra iray talohan'ny tantara izy ireo, ny sasany amin'izy ireo dia te-hamerina Azy hankany amin'ny filozofa iray, ny sasany te-hanao Azy ho mpaminany iray. Fa, rahalahy, Izy no Andriamanitra ao anatinareo, Andriamanitra voaseho tao amin'ny nofo. Ahoana?

¹¹⁰ Ahoana no nahafantaran'izy ireo fa Izy no Andriamanitra tao amin'ny nofo? Hoy Izy hoe, "Raha tsy manao an'ireo asan'Ny Raiko Aho, amin'izay fotoana izay dia diso no Noteneniko taminareo. Fa raha manao an'ireo asan'Ny Raiko Aho, dia minoa an'izany."

¹¹¹ Ary ilay zavatra iray ihany ankehitriny. Velomina indray ny Hafatra amin'ny andro farany, ny Hafatra hoe Iza Izy, inona Izy. Imanoela monina ao anatinareo, miaraka amin'ireo asa iray ihany izay Nataony, maneho ny Tenany amin'ny alàlanareo, ireo tena zavatra iray ihany mihitsy izay Nataony. Izany no Hazavan'ny hariva. Tenenina ratsy izany. Lâlan-tsarotra iray izany.

¹¹² Nidika zavatra iray izany ho an'ilay mpanapaka tanora manan-karena, raha mbola noana ny fony, mba hanatona an'i Jesosy, ka nanao hoe, "Raby, inona no tsy maintsy hataoko hananana Fiainana Mandrakizay?"

Hoy Izy, "Tandremo ireo Didy."

Hoy izy hoe, "Efa nanao aho hatramin'ny fahazazako."

Hoy Izy, “Te-ho tanteraka àry ve ianao?” Hoy Izy, “Manaraha Ahy.”

¹¹³ Saingy niala tamin’alahelo izy. Nisy vidiny be loatra ilay izy. Raha afaka nanome Azy vola izy ka nanorina fiangonana goavana iray tany ho any, nametraka ny tenany ho mambra iray, dia ho mora no nanaovany an’izany. Tsy hitanareo ve hoe ahoana no mahalasa an’izany ho modely eo anivon’ny manan-karena amin’izao andro izao? Nisy ireo hafa.

¹¹⁴ Tsy ny manan-karena irery ihany, fa ny mahamantra; maro amin’ireo avy amin’ny lava-potaka, sy ny sisa, nandà nohon’ny laza izy ireo. Satria, tsy nalaza Izy. Izzy no Imanoela. Hoy izy ireo hoe, “Tsikera izany. Izany dia—ny devoly izany. Fifandraisana ara-tsaina izany. Izany dia—Belzeboba izany.” Ireo mpampianatra tamin’ilay andro, ireo fiangonany goavana, nanao hoe, “Fahadalana.”

¹¹⁵ Fa hoy Andriamanitra hoe, “Izany no famantarana iray Mandrakizay, ilay famantarana ambony, ilay famantarana’ny famantarana rehetra, hoe miaraka aminareo Andriamanitra, ao anatinareo mihitsy aza, hatramin’ny fahataperan’izao tontolo izao.” Io ny famantaranareo ambony. Mihoatra ny famantarana rehetra izany. Izany no famantarana voalohany. Asa 19, tsy maintsy niverina ireo olona ireo ka nanaiky an’io famantarana io, talohan’ny hany nahafahan’izy ireo nahazo ny Fanahy Masina, Asa 19:5. Kanefa, mpino iray izay nanana ny Baiboly, ary nanana mpitory teny tsara iray izay nanaporofo fa Jesosy no Kristy, kanefa talohan’ny nahafahan’izy ireo ho tonga teo amin’Izany... Ary mba hahitana an’ilay famantarana, dia tsy maintsy tonga izy ireo ka natao batisa indray, nanana tànana nippetraka teo amin’izy ireo ka nandray ny Fanahy Masina. Marina izany.

¹¹⁶ Fa amin’ny andro Hariva, dia eto ireo Hazavana. Ary tsikeraina Izany. Esoina Izany. Tenenina ratsy Izany. Nilaza ilay mpaminany fa hotenenina ratsy Izany, “Vato manafintohina iray.” Tenenina ratsy, esoina, tsikeraina; Imanoela ao anatintsika, manatanteraka ny Sitrapony amin’ny alàlantsika.

¹¹⁷ Oh, androany, ry rahalahiko mpivahiny, ry anabaviko, minoa an’io famantarana io. Jereo ao anatin’ny fihinanam-bilon’ny fonareo manokana, ka jereo raha afaka hilaza ao anatin’ny tenanareo ianareo. Jereo ilay famantarana izay hitan’ireo mpiandry ondry. Andriamanitra ao anatin’ny nofo, monina eo anivon’ilay mahantara, ilay manana ilaina, ilay voailika. Jereo raha afaka mahazo an’Izany ianareo. Andriamanitra ao anatin’ny fonareo, Andriamanitra *ato*. Diniho ka jereo raha maneho ny Tenany marina Izy, amin’ny fahamoram-panahy sy fahalemem-panahy, tahaka ny Nataony.

¹¹⁸ Taona vitsy lasa izay, dia nisy zazavavy iray izay nandeha nankany amin’ny kolejy, ary, niaraka tamin’ny mpiara-mianatra

aminy betsaka tany, lasa tena kely mahay ny rehetra mihitsy izy, niala tamin'ny fampianarany tranainy an'ny ambanivohitra izay nananany, amin'ny maha-reny iray tao amin'ny tokantrano ambanivohitra iray. Ary nanapa-kevitra izy indray andro, teo amin'ny roa taona taty aoriana, hamangy ny reniny indray. Nanoratra telegrama iray ho azy izy ary niteny taminy fa ho avy amin'ny fiaran-dàlamby izao-sy-izao izy, hitsena azy eny amin'ny fiantsonana. Kanefa, nitondra kely mahay ny rehetra hafa iray niaraka taminy izy. Ary lasa mahay ny rehetra iray izy, ny tenany. Dia nitondra anankiray hafa niaraka taminy izy, izay karazan'ny iray amin'ireo fireharehan'ny andro moderina, mahay-ny-rehetra, adolantsento.

¹¹⁹ Ary rehefa tonga teo amin'ny fiantsonana izy, rehefa nanomboka nidina avy teo amin'ny fiaran-dàlamby izy, dia njery. Ary nitsangana teo ny reniny, njery tamin'izay rehetra tao anatin, mba hahita hoe aiza ny zananivavy. Ary rehefa ilay zavavavy izay niaraka taminy, reniny...nahita azy niaraka tamin'ny tarehiny feno holatra tanteraka, ary ny tènany may tanteraka. Ary toa nahatsiravina izy, antitra, ary toa mampatahotra. Ary ilay zazavavy izay niaraka tamin'i Mary kely, dia nilaza taminy hoe, “Manontany aho hoe iza io zavatra antitra ratsy tarehy io?”

¹²⁰ Ary menatra ny amin'ny reniny ilay zazavavy. Hoy izy hoe, “Tsy fantatro. Tsy fantatro hoe iza izy.”

¹²¹ Ary ny reniny, rehefa nahita ny zananivavy izy, dia nihazakazaka nankeo aminy ary nanipy ny sandriny nanodidina azy, nanomboka nanoroka azy.

¹²² Natosiny niala, nanao hoe, “Tsy fantatro ianao. Ilay olona tsy izy no atoninao,” satria tsy te-hanana fifandraisana amin'ny olona iray tahaka an'izany izy izay hihomehezan'ny olon-kafa sy hesoina.

¹²³ Sendra nisy lehilahy iray teo, mpamily an'ilay fiaran-dàlamby, nitsangana teo. Norambasany tamin'ny soroka io vehivavy tanora io. Hoy izy hoe, “Mbà menatra ianao, zavatra mampalahelo! Tsaroako tsara mihitsy ilay zava-misy.”

¹²⁴ Dia niangona hihaino an'izay niseho ny olona. Ary nohazoniny teo mihitsy ilay zazavavy, ka hoy izy hoe, “Ity zazavavy tanora ity, fony tsy mbola enim-bolana izy, dia tao anatin'ny fandrian-zaza keliny tany ambony rihana. Ary ny reniny sarobidy, ilay vehivavy tsara tarehy indrindra izay hany hitako,” hoy ilay mpamily antitra. Hoy izy, “Nirehitra ilay trano raha mbola nanahy lamba ny reniny. Dia nihazakazaka ny mpiara-monina rehetra, niantsoantso. Izy ireo no nahita an'izany. Ilay reny tsy nahamarika an'izany mihitsy. Teo amin'ny ilan'ny lavarangan'ilay trano izany. Ary nahazo vahana tsara ireo afo, ka nandeha nankeny amin'ny habakabaka izany.”

¹²⁵ Dia hoy izy, “Tsy afaka nihazona an’io reny nikoropaka io izy ireo. Tany ambony rihana ny zazakeliny.” Dia hoy izy, “Niantsoantso izy rehetra ireo hoe, ‘Tsy afaka hitety an’ireo—ireo afo ireo ianao.’ Saingy norambasany ilay lambam-pandriana izay teny an-tànany, avy teo amin’ny fanahazana azy ireo, ary lambam-pandriana mando iray izany. Ary natafiny nanodidina azy izany, ka nandeha nitety an’ireo afo izy, ary tany ambony rihana, tsy nieritreritra ny amin’ny lozany manokana. Avy eo rehefa tonga teo izy, dia fantany fa tsy afaka hirakotra an’ilay lambam-pandriana manodidina ny tenany mba hiverenana izy. Saingy, mba hiarovana ny hatsaran-tarehin’ny zananivavy izay tsy maintsy nanaraka azy, dia norakofany tao anatin’ilay lambam-pandriana ilay zazakely, ary nihazakazaka nitety an’ireo afo, niaraka tamin’ny tarehiny sy ny tònany ary ny sandriny tsy nirakotra. Ary nandoro ny hoditry ny vatany izany, sy nampifintina ny takolany hatrany amin’ny taolany, ka nanimba azy, nandoro ny volony, ary ny—ny...ny rehetra hatrany amin’ireo taolan’ny rantsan-tànany.”

¹²⁶ Hoy izy, “Lasa ratsy tarehy izy, mba ahafahanao ho lasa tsara tarehy. Nanary ny hatsaran-tarehiny izy, nanary ny zavatra rehetra izay nananany izy, mba hahafahany hamonjy anao. Nefa ve avy eo dia mitsangana ianao ka menatra an’io reny sarobidy io?”

¹²⁷ Rahalahy, rehefa mahita an’Andriamanitra aho, ilay Andriamaniry ny Lanitra, nanary ny Seza fiandrianany, ny Hatsaran-tarehiny, ary izay rehetra naha-izy Azy; mba ho teraka teo an-tampon’ny antontan-jezika, ho voahodidina lambanjaza, ho esoina noho ireo Famantarany sy ireo Fahagagany, mba hantsoina hoe devoly iray; dia tokony ho menatra Azy ve aho? Tsia, tempoko. Avelao ilay izao tontolo izao klasika hanao izay tian’izy ireo hatao. Ho ahy, Izy no famantaranana ambony iray. Miantsoantso mafy ny Fanahy Masina ato anatiko. Mety hanao ahy hihetsika hahafaha sy ho lehilahy adala iray izany, amin’ity izao tontolo izao ity, fa tsy afaka handà Azy Izay hanao betsaka ho ahy aho. Izy no naka ny toerako tao amin’ny fahafatesana. Izy no naka ny toerako teo Kalvary. Izy no nanao an’ireo zavatra rehetra ireo. Nidina avy tany An-danitra Izy, avy tamin’ireo sezà fiandrianana perla fotsy, mba ho lasa olona iray; mba hanandrana ny fijaliako, mba handalo amin’ny fakam-panahiko, mba hahafantatra hoe ahoana no hahalasa mpanelanelana marina iray ato anatiko, mba hitarika ahy sy hitari-dàlana ahy hatrany amin’ny Fiainana Mandrakizay. Ary tamin’ny alàlan’ny Fahantrany, no nanaovana ahy hanankarena. Tamin’ny alàlan’ny Fahafatesany, no nanomezana ahy Fiainana Mandrakizay.

¹²⁸ Aza lavina Izy. Aza menatra Azy. Aza menatra Azy. Fa orohy Izy, ka manaova hoe, “Eny, ry Tompo Malalako, omeo tahaka ny nataon’izy ireo tamin’ny Andron’ny Pentekosta aho,

Tompo. Omeo ahy ny Fanahy Masina. Araraho ato am-poko Izany. Tsy ahoako izay lazain'ireoadolantsento. Tsy ahoako izay lazain'izao tontolo izao. Tsy mijery azy ireo aho. Mijery Anao aho." Inona izany? Mikambana amin'ny fiangonana ve? Tsia. Ilay famantarana ambony, Imanoela, Andriamanitra miaraka amintsika.

Ndao isika hivavaka.

¹²⁹ Ao amin'ny fanatrehan'ny olona izao maraina izao, misy sasany ve eto izay te-hanao hoe, "Ho ahy, menatra ny fiainako aho. Tsy menatra Azy aho. Menatra ny fiainako aho," mba hanolotra ho Azy Izay natao ratsy tarehy, sy nohamavoin'izao tontolo izao?

¹³⁰ "Lehilahin'ny alahelo, zatra fahoriana. Isika rehetra dia nanafina ny tavantsika Taminy," hoy ilay mpaminany. "Nohamavoina sy nolavina Izy. Kanefa, isika dia nano Azy ho nokapohina sy nasian'Andriamanitra. Kanefa, Izy dia voalefona nohon'ny fahotantsika, ary notorotoroina nohon'ny helotsika; ny famaizana ho an'ny fiadanantsika dia teo Aminy, ary tamin'ireo Dian-kapony no nahasitranana antsika."

¹³¹ Ho menatra Azy ve ianareo? Raha menatra ianareo, dia tongava eto amin'ny alitara ka ibebaho ny fahotanareo. Raha tsy menatra Azy ianareo, ka menatra ny fiainanareo izay natolotrareo Azy, ho zavatra mahatsiravina iray. Matetika ianareo dia menatra, eo anatrehan'ny sefonareo; eo anatrehan'ny vehivavy sakaizanareo, eo anatrehan'ny lehilahy sakaizanareo, eo anatrehan'ny zazavavy sakaizanareo na zazalahy sakaizanareo. Efa menatra Azy ianareo, Imanoela monina ao anatinareo. Atsangano ny tanganareo ka manaova hoe, "Andriamanitra, mamele ahy satria efa menatra."

¹³² Ry Tomponay sy Andriamanitray, mangataka Anao ampanetre-tena sy amin'ny fahasovana indrindra izahay mba hanaiky ny fifonanay, izao maraina izao, noho ireo tsirambinay rehetra, satria indraindray dia meloka izahay rehetra. Meloka izahay ny amin'ny fanohanana ny Fahamarinana. Meloka izahay. Rehefa te-hiantso anay amin'ny anaran-dratsy iray izy ireo, ohatra, oh, "holy-roller," na zavatra ratsy izay tsy marina, kanefa matetika izahay dia mamaly tahaka an'i Petera ary mamàna ny tenanay amin'ny afon'ilay fahavaloo. Mamele anay, Tompo.

¹³³ Manatona anay ilay taona vaovao. Enga anie izahay hanomboka avy amin'ity ora ity mihitsy, ka hahita an'ilay famantarana ambonin'Andriamanitra eo anivonay, Andriamanitra miaina miaraka aminay, monina ao anatinay, manatanteraka, manao marina tokoa tahaka ny Nataony. Ary eto ireo Hazavan'ny hariva.

Mamele anay ny amin'ny tsirambinay. Mamele ny fahotanay.

¹³⁴ Ary izahay amin'ny fahasoavana indrindra, Tompo, dia manaiky Ny Fanomezanao Krismasy, ilay Zanak'Andriamanitra, mba honina ao anatin'ny nofonay, ny vovokay, mba hiaina hiaraka aminay, manamasina ny Lèlany amin'ny alàlan'Ny Ràny Manokana, ka manome anay ny antoky ny Fiainana Mandrakizay. Misaotra Anao izahay. Misaotra Anao aho, Tompo, ny amin'ity Fanomezana lehibe mahafinaritra avy amin'Andriamanitra ity, satria fanomezana iray Izany, fanomezan'ny Fanahy Masina, voafono tanteraka ao anatin'ny Anaran'ny Tompo Jesosy. Faly izahay mandray an'Izany. Misaotra Anao izahay satria manohana an'io famantarana io ny fiangonanay, satria ilay famantarana dia manohana ny Fampianaran'ny Fiangonana. Izahay manohana an'Izany. Izany manohana anay. Ary fantatra eo anivon'ireo Kristiana manerana an'izao tontolo izao izany androany, andian'olona mah mantra, tsy mahay eo amin'ny faha-8 sy Penn Street, ao Jeffersonville; fa Imanoela, ilay Andry Afo avy tany an-efitra, ilay Jesosy avy any Galilia, ilay Fanahy Masin'ny Pentekosta, dia tonga voaseho tamin'ny alàlan'ireo famantaran'Imanoela rehetra ao amin'ireo Hazavan'ny hariva. Tena mankasitraka izahay, Tompo. Ary enga anie ireo hafa hahita an'Izany ka handray an'Izany. Fa, mangataka an'izany amin'ny Anaran'i Jesosy izahay, sy nohon'ny Aminy ary nohon'ny amin'ilay Fiangonana. Amena.

¹³⁵ Maniry aho ny hanana ny feon'ny mpihira iray. Raha nanana ny feon'ny mpihira iray aho izao ankehitriny izao, dia ho tiako ny hihira ho anareo ny hira fiderana tiako indrindra, nosoratan'ny sakaizako sarobidy, William Booth-Clibborn.

Nidina avy tamin'ny Voninahiny, ilay tantara velona mandrakariva,
 Tonga ny Andriamanitro sy Mpamorjiko, ary Jesosy No Anarany.
 Teraka tao anatin'ny fihinanam-bilona iray,
 vahiny iray ho an'ny Azy Manokana,
 Ilay Andriamanitry ny alahelo, ranomaso sy fanaintainana.

O toy ny ahoana no itiavako Azy! Toy ny ahoana
 no ankamamiako Azy!
 Ny fiainako, ny tara-masoandroko, ny rehetrako
 amin'ny rehetra!
 Ilay Mpamorona lehibe no lasa Mpamorjiko,
 Ary ny fahafenoan'Andriamanitra rehetra no
 monina ao Aminy.

Fietrena toy ny inona, mitondra fanavotana ho
 antsika;
 Rehefa tao anatin'ny alina maizina indrindra, tsy
 nisy tsirim-panantenana iray hita; (Avy eo dia

tonga ny tselatra nisampantsampana!)
 Andriamanitra, sarobidy, malefaka, nanaisotra ny
 Famirapiratany,

Nidina nankao amin'ny fihinanam-bilona iray, tranon'omby
 iray feno zezika, mba ho teraka.

Nidina mba hila fitia, hahazo ary hamonjy ny
 fanahiko.

O toy ny ahoana no itiavako Azy! Toy ny ahoana
 no ankamamiako Azy!

Ny fofon'aiko, ny tara-masoandroko, ny rehetrako
 amin'ny rehetra!

Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina
 ao Aminy.

¹³⁶ Ary noho izany dia Izzy ato anatiko, ary izaho ao Aminy.
 Ary ao aminareo . . . “Amin’izany andro izany, dia ho fantatrareo
 fa Izaho ao amin’ny Ray, ny Ray ato Amiko, ary Izaho ao
 aminareo, ary ianareo ato Amiko,” Andriamanitra, Imanoela,
 miaraka amintsika.

¹³⁷ Io Imanoela io no nahita an'i George Wright, mipetraka
 eo izao ankehitriny izao; nandry teo am-pahafatesana, rehefa
 nandao azy ireo dokotera efatra. Io Imanoela io izany, rehefa
 tsy maintsy nindrana kibo iray Izzy, rehefa tsy maintsy nindrana
 fa—fasana iray Izzy. Nindrana ny masoko Izzy, nanao hoe,
 “Mandehana teneno Rahalahy George hoe, ‘HOY NY TOMPO
 HOE. Izzy no hangady ny fasan’ireo mpitoky teny sy ny sisa izay
 nihomehy azy.”

¹³⁸ Io Imanoela io izany. Io Anankiray io ihany izany, mikasika
 an’ireo biby kely, indray andro tany anaty ala. Io Anankiray
 io ihany izany, mikasika an'i Margie Morgan mipetraka eo,
 ny sisa rehetra. Ilay Anankiray ihany izany izay nindrana ny
 fahaizana ara-tsaina, ny taovam-panamboloan’ny vatana, mba
 haneho ny Tenany amin’izao tontolo izao amin’izao andro izao,
 amin’ny alàlanareo, raha mbola mamiratra ireo Hazavan’ny
 hariva. Hamindra fo anie Andriamanitra, ry sakaida.

¹³⁹ Maka betsaka ny fotoanareo aho. Ndao isika hanandrana
 an'ilay izy. Omeo anay ilay feon-kira hoe, “O toy ny ahoana no
 itiavako Azy!” Firy no mahafantatra an’izany?

O toy ny ahoana no itiavako Azy! Toy ny ahoana
 no ankamamiako Azy!

Ny fiainako, ny tara-masoandroko, ny rehetrako
 amin'ny rehetra!

Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina
 ao Aminy.

[Misamonomonona ny *Nidina Avy Tamin'Ny Voninahiny*
Rahalahy Branham—Mpand.]

Toy ny ahoana no ankamamiako Azy!
Ny fofon'aiko, ny tara-masoandroko, ny rehetrako
amin'ny rehetra!
Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁴⁰ Ankehitriny no fotoana Hanehoany ny Fahasoavany.
Mitondra zazakely iray eto ny reny iray, miaraka amin'ny
leucémie, homamiadana ao anatin'ny fikorian-dràny. Ilay ratsy
amin'ny zazakely iray?

Andriamanitra, indro ny feoko, teneno ny Teny, dia ho
tanteraka izany.

Satria, Tompo, Ianao no nilaza hoe, “Mitenena amin’io
tendrombohitra io hoe, ‘Mifindrà.’ Aza misalasala. Ho tanteraka
izany.”

Amin’ny Anaran’i Jesosy Kristy, ilay Zanak’Andriamanitra,
no anamelohako an’io devoly antsoina hoe leucémie io. Ny
aretin’ny vatan’ity zaza ity, hiala izany. Tsy maintsy miala izany.
Amin’ny Anaran’i Jesosy Kristy, ho tanteraka anie izany.

...ny tara-masoandroko, ny rehetrako amin’ny
rehetra!

Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁴¹ Toy ny ahoana no itiavako Azy! Tsy afaka mamela an'Izany
handeha fotsiny aho. Tiako ny, tahaka an'i Jakoba mihitsy,
hamikitra amin'Izany.

...ankamamiako Azy!
Ny fofon'aiko, ny tara-masoandroko, ny rehetrako
amin'ny rehetra!

“Izao no ho famantarana iray.”

Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁴² Tsy mahafinaritra ve Izy? Tsy mahatsapa te-hanompo Azy
mihitsy ve ianareo? Ao amin'ny Fanahy fotsiny, manompoa
Azy fotsiny. Adinoy fotsiny ny tenanareo ankehitriny. Aza
menatra. Eto ny Fanahy Masina. Izany no Fanahy Masina. Am-
pahamoram-panahy fotsiny, amin'ny fanaonareo manokana.

Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

Eo ianareo izao.

Fietrena toy ny inona, mitondra fanavotana ho antsika; (“Hisy famantarana iray.”)
 Rehefa tao anatin’ny alina maizina indrindra, tsy nisy tsirim-panantenana iray hita;
 Andriamanitra, sarobidy, malefaka, nanaisotra ny Famirapiratany, (Eritrereto izay Nataony!)
 Nidina mba hila fitia, hahazo ary hamonjy ny fanahiko.

¹⁴³ Ndao isika hanangana ny tànantsika rehefa mihira an’izany isika.

O toy ny ahoana no itiavako Azy! Toy ny ahoana no ankamamiako Azy!
 Ny fofon’aito, ny tara-masoandroko, ny rehetrako amin’ny rehetra!
 Ilay Mpamorona lehibe no lasa Mpamonjiko,
 Ary ny fahafenoan’Andriamanitra rehetra monina ao Aminy.

¹⁴⁴ Tompo, tsy afaka ho azonay mihitsy ireo harena, ny fahafenoan’Ny Fanahinao, raha tsy mahita Azy izahay amin’io andro izay Hahatongavany io. Mety mandry ao amin’ny vovoka izahay. Mety tsy maintsy miverina any amin’ilay vovoka tany am-piandohana aho, saingy tsy hampanahy ahy izany na kely aza. “Fantatro fa hiantso Izy, ary izaho hamaly. Ary amin’izay fotoana izay dia hahita Azy arak’izay maha-izy Azy aho. Hovaina ity vatana mety lò ity ka hatao hitovy amin’ny Vatany Manokana be voninahitra, izay Ahafahany mampanaiky ny zavatra rehetra ho an’ny Tenany.”

¹⁴⁵ Hankasitraka Anao mandrakariva aho nohon’ny fanomezana Krismasy an’i Kristy ato am-poko, mba hahafantatra fa ilay Kristy iray ihany izany, satria manao an’ilay zavatra iray ihany Izy. Manao ahy hahatsapa sy hihetsika tahaka ny Nataony tany amin’ny voalohany Izy, ho an’ny Mpanompony.

¹⁴⁶ Mankasitraka aho ny amin’ny Fianganana iray manerantany, mandresy, efa voafidy mialoha, sy nantsoina, sy voaisy tombokase, ary voalahatra ho an’io Vatana io. Mahita azy ireny aho any Azia, Afrika, Roma, hatraiza hatraiza, Indiana, manerana ny fanjakana, Afrika. Hatraiza hatraiza manerana an’izao tontolo izao, no ahitako an’io Fianganana mandresy io, izay mahafantatra fa tonga tao amin’ny nofo Ianao. Ary Ianao no nilaza hoe, “Ny fanahy rehetra . . .” Ao amin’Ny Baibolinao, hoy Ianao hoe, “Ny fanahy rehetra izay tsy miaiky an’izany, dia fanahy ratsy, ny antikristy. Ny fanahy rehetra izay tsy manambara an’ilay zavatra iray ihany, hoe tonga tao amin’ny nofantsika Kristy, dia fanahin’ny antikristy.”

¹⁴⁷ Andriamanitra Ray, ampio aho mba—mba hanozongozona an’ireo afon-jiro any ireo. Toa hitako izy ireo, Tompo, any. Hitako ireo boka eo amin’ireo vavahady, mijery any Inde any, ao

amin'ilay Taj, eo amin'ny vavahady, ireo zavatra mampalahelo mandady eo amin'ny tany, tsy manana tongotra. Hitako ireo zazalahy kely maity mampalahelo any Afrika any, mitsotra ireo tànany kely. O Andriamanitra, iraho aho, Tompo. Aoka ilay Anjely ho tonga miaraka amin'ny arin'Afo iray, hirehitra ao anatin'ny fanahiko, Tompo, ka hanala an'ireo tain-drendrika sy vaingambaingana, mba ahafahako handeha toy ny—ny afon-jiron'Andriamanitra iray, hanongotra amin'ny afo an'ireo izay ao anatin'ny aizim-pito.

¹⁴⁸ Tahio ny fiangonana keliko, Tompo. Oh, toa hitako ilay lâlankely misy taimbakona manerana eto, ary hitako ilay vahoaka sarobidy. Mandeha amin'ny fiarany ny olona, mihomehy azy ireo, satria manangana ny tànany izy ireo, midera an'Andriamanitra. Fa indray andro any dia ho tonga Jesosy, ka ho vita tsara ny zavatra rehetra. Tsy ho menatra izahay, Tompo. Hikambana amin'i Paoly fahiny izahay, ka hanao hoe, “Tsy menatra ny Filazantsaran'i Jesosy Kristy aho, fa Herin'Andriamanitra ho an'ny famonjena Izany, ho an'ny Fiaianana Mandrakizay, ho an'ny tsirairay avy izay mino.” Ampio izahay mba hiaina tahaka an'izany, Ray. Manompo Anao ao amin'ny Fanahy izahay ankehitriny, ao amin'ireo toeran-Danitra. Misaotra Anao izahay ny amin'ity famangiana ity izao maraina izao. Amin'ny Anaran'i Jesosy. Amena.

¹⁴⁹ Indray mandeha fotsiny indray, sitrakareo ve?

O toy ny ahoana no itiavako Azy! Toy ny ahoana
aho... (Tompo Jesosy, . . . ? . . . amin'ny Anaran'i
Jesosy)

. . . ny rehetrako amin'ny rehetra!
Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁵⁰ Mila betsaka Azy mihitsy, sa tsy izany, Doe? [Hoy Ranabavy Delores hoe, “Eny.”—Mpand.] Io ny anabaviko, ny anabaviko araka ny nofo.

O toy ny ahoana . . .

Ny vinantovaviko. Mila betsaka an'Andriamanitra izy ireo. Tonga Rahalahy Grimsley, mila betsaka an'Andriamanitra.

. . . ny rehetrako amin'ny . . .

Izay ilay izy. Rahalahy Wood, tonga. Rahalahy Collins, mpitoky teny Metodista; ny vadiny, ireo hafa.

. . . lasa Mpamonjiko.

Izao no asan'ny antson'ny Fanahy Masina, Izy tenany.

. . . monina ao Aminy.

O toy ny ahoana no itiavako . . .

Asehoy amin'ny fanaonareo manokana fotsiny izany ankehitriny.

. . . Toy ny ahoana no ankamamiako Azy!
 Ny fofon'aiko, ny tara-masoandroko, ny rehetrako amin'ny rehetra!
 Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina ao Aminy.

¹⁵¹ Tompo, Tompo, indro izy ireo, ilay ondrin'ny Kijanaganao. Fahano izy ireo, Tompo, amin'Ny Fanahinao. Manolotra ny teny Aminao izy ireo, Tompo. Manokana ny fiainany ho Anao izy ireo. Nitsangana izy ireo satria tsy menatra amin'ny Filazantsaran'i Jesosy Kristy. Fantatray fa eto Ianao, ilay Andry Afо lehibe, ilay Kristy, ilay Fanahy Masina.

. . . ankamamiako Azy!
 Ny fofon'aiko, ny tara-masoandroko, ny rehetrako amin'ny rehetra!
 Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina ao Aminy.

¹⁵² Mitenena amin'ny teninareo manokana ankehitriny. Izany no Fanahy Masina izay nitondra anareo teto. Teneno Aminy fotsiny fa tianareo Izy. Ilay Fanahy Masina iray ihany izay nanangana azy ireo tamin'ny Pentekosta, ianareo izay mitsangana eto miantsoantso, mitomany, mifaly.

Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina ao Aminy.

Tsy misy fisalasalana, nofo aman-drà no Fananany, (Zaza kely iray tao anatin.)
 Naka ny endrik'olona Izy, nanambara an'ilay drafitra miafina.
 O zava-miafina lehibe, Fanatitr'i Kalvary,
 Ary fantatro ankehitriny fa Ianao no ilay "IZAHO NO IZY" lehibe.

O toy ny ahoana aho . . . (O Andriamanitra!) Toy ny ahoana no ankamamiako Azy!

Ny fofon'aiko, ny tara-masoandroko, ny rehetrako amin'ny rehetra!
 Ilay Mpamorona lehibe no lasa Mpamonjiko,
 Ary ny fahafenoan'Andriamanitra rehetra monina ao Aminy.

¹⁵³ O ilay fitiavana izay tsy hamela ahy handeha, ilay fitiavana izay mihazona mafy ny foko any ankoatry ny zavatra rehetra, ny fahamoram-panahin'ny Fanatrehan'ny Fanahy Masina; raha mbola mitsangana manodidina ny alitara ny Fianganany, mankamamy, mijery ao anatin'ny fihinanam-

bilona, mahita an'ilay zavatra iray ihany izay hitan'ireo olon-kendry, Andriamanitra tonga nofo.

. . . lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁵⁴ Raha misy zavatra tsy mety ao amin'ny fiainanareo, iaikeo izany ankehitriny ao amin'ny Fanatrehan'ny Fanahy Masina, raha mbola mangina. Jereo ny ao am-ponareo, jereo raha misy fihinanam-bilona iray ao izay afaka mahatanty fanakianana, ao amin'ny fiaikenareo fa Izy no Andriamanitra.

. . . ny fahafenoan'Andriamanitra rehetra monina
ao Aminy.

¹⁵⁵ Miaraka amin'ny lohanareo miondrika ankehitriny, manolora vavaka iray fotsiny, ny tenanareo. Izany no Fanahy Masina. Tsy afaka mahatsapa ny fahalemem-panahy sy ny fahamoram-panahin'ny Fanahin'Andriamanitra ve ianareo, hamamiana, Fiainana maharitra?

¹⁵⁶ “Eo amin’izay misy ny fiteny tsy fantatra, hitsahatra izy ireo. Eo amin’izay misy ny faminaniana, ho levona izany. Eo amin’izay misy ny fahalalana, ho levona izany. Fa rehefa tonga ny fitiavana, dia maharitra mandrakizay izany.” “Ny fitiavana maharitra. Tsy mirehareha izany. Tsy mieboebo izany. Tsy manao izay tsy mahamendrika izany, mahamenatra. Fa manao antsika hanetry tena Izany, manao antsika ho mora fanahy, mametraka fahamoram-panahy ao anatin’ny fanahintsika.”

¹⁵⁷ Ndao isika hivavaka ankehitriny, ny tsirairay avy amin'ny fanaonareo manokana, misaotra an'Andriamanitra ny amin’izay Nataony.

¹⁵⁸ O Tompo, ao amin'ny fahamoran’izany hira izany, maneho amin'ny alalan'ireo naoty, tsy feo hafahafa iray, fa feo iray izay midika, aminay, hoe Iza no Andriamanitray, araka ny nanehoan'ny Teny azy. Ankehitriny dia ny zava-maneno no maneho azy. Ankehitriny dia ny fonay no maneho azy, Tompo, ny toetranay manoloana Anao. Manatona izahay. Mitsangana izy ireo. Tia Anao izy ireo. Miaraka, Tompo, dia mitsangana ho Ondrinao izahay, ilay ondrin'ny Kijananao. Tianay ity Sakafo ity, tsara ho an'ny fanahinay Izy. Ary fantatray fa miaina miaraka aminay Andriamanitra. Fantatray fa Andriamanitra dia nirotsaka tao amin'i Kristy, ary Kristy nirotsaka ao amin'ilay Fiangonana.

¹⁵⁹ Ary indro mitsangana izahay androany, nefo ireo karazana fivavahana rehetra, sy ireo karazan'ny—ny anaram-piangonana sy fampianaranana rehetra, ireo karazana finoana rehetra, kanefa ny Teny dia miteny ho an'ny Tenany, Andriamanitra voaseho. Ilay famantarana ambony hoe mbola voaseho ao amin'nynofon'ny Olony foana Andriamanitra, manao an'ireo famantarana sy fahagagana iray ihany, miseho amin'ny endrika

Rahona iray, Andry iray, monina eo anivonay, mamantatra ny fonay, miteny aminay mialoha an'ireo zavatra ho avy, manasitrana ny aretinay, manao anay ho tena voafatotry ny Lanitra hany ka lasa any ankoatry ny tenanay izahay. Hany ka, manao zavatra hafahafa izahay, ho an'ireo zanak'izao tontolo izao; ahoana fa mitsangana izy ireo ka mihomehy, ary mihevitra fa adala izahay, tahaka ny nataon'izy ireo tamin'ny Pentekosta mihitsy, nanao hoe, "Tsy mamo ve izy rehetra ireo?"

Fa toy ny ahoana no itiavako Azy! Toy ny ahoana
no ankamamiako Azy!

Ny fofon'aiko, ny tara-masoandroko, ny rehetrako
amin'ny rehetra!

Ilay Mpamorona lehibe no lasa Mpamonjiko,
Ary ny fahafenoan'Andriamanitra rehetra monina
ao Aminy.

¹⁶⁰ Hanangana ny tanganareo ve ianareo ankehitriny hanome toky ny finoanareo an'Andriamanitra, ny voadinareo amin'Andriamanitra, ny fahatokianareo sy ny fahamarinanareo amin'Andriamanitra, ny fiangonana manontolo?

¹⁶¹ Izahay ankehitriny, Tompo, dia manolotra ny tenanay Aminao, aorian'izao fitahian'ny fanehoan'Ny Fanatrehanao izao, mahafantatra fa mbola voaseho ao amin'ny nofonay foana Andriamanitra. Lasa vovokay Izy, lasa havanay Izy; namadika ny Tenany avy amin'Andriamanitra Izy mba ho lasa olona, mba ahafahan'ny olona ho velona ao Aminy. Ary nahatsapa Anao izahay izao maraina izao, ao amin'ny fanahinay. Mahita an'ireo Asanao sy ireo Fanehoanao izahay. Tianay Ianao. Mianiana Aminao indray izahay: hanaja Anao, ho tia Anao, ary hanao ny zavatra rehetra izay fantatray hatao, izay hankasitrahana, hiaina fainana izay hitovy amin'ireo Kristiana, izay tsy hitondra latsa, fa ho fitahiana ho an'Ny Anaranao Masina lehibe. Ataonay izao, Tompo, amin'ny maha-Zanakao, amin'ny Anaran'i Jesosy Kristy. Amena.

¹⁶² Te-hanontany zavatra aminareo aho alohan'ny handraisanareo ny sezanareo. Efa mba nahatsapa zavatra iray tena mora ve ianareo? Ny fahamoram-panahin'ny Fanahy Masina! Tsy nisy olona nilaza teny iray; mitsangana ho azy fotsiny, mandroso. Ny voninahitr'Andriamanitra! Hitanareo?

¹⁶³ Efa nivavaka sy nianatra aho, roa andro, teo amin'ity. Mihoatra noho izany. Hatramin'ny Alahady lasa, na lasa, hia, Alahady.

¹⁶⁴ Ahoana io famantarana Ambony io, ahoana no nilazan'Andriamanitra hoe, "Hanome famantarana iray ho azy ireo Aho. Ho ao anatin'ny nofon'izy ireo Aho. Hitovy amin'izy ireo Aho; izy ireo hitovy Amiko." Nilaza Izy fa njery ireo Anjely. Na nilaza... Nilaza tamin'ireo mpiandry ondry ireo Anjely hoe, "Jereo ao anatin'ny fihinanam-bilona, hahita an'izay tiako

lazaina ianareo.” Tsy ho an’ireo Anjely fotsiny io famantarana io. Tsy ho an’ireo mpiandry ondry fotsiny izany. Ho an’izao tontolo izao izany, mba hahita sy hino fa monina ao anatin’ny nofo Andriamanitra.

¹⁶⁵ Ary tamin’ny alàlan’ny fanolorana an’io nofo io, no Nanamasinany ny nofantsika, mba Ahafahany honina ao anatintsika. Andriamanitra ao anatinareo. Kristy ao anatinareo. “Indro, Izaho momba anareo mandrakariva, hatramin’ny fahataperan’izao tontolo izao mihitsy aza.” Aza adino izany. Tehirizo ao am-ponareo izany.

¹⁶⁶ Nandray fanomezana Krismasy vitsivitsy tena mahafinaritra aho, fakan-tsary iray, ary zavatra hafa maro, basy sy ny sisa, hoe tia ahy ny olona, manome ahy izy ireo. Toy ny ahoana no ankasiträhako an’izany!

¹⁶⁷ Fa, oh, ity, Fiainana Mandrakizay ity, ilay antoka voatahy hoe velona ao anatintsika Kristy, hoe ny Fahafenoany no monina ao anatintsika, dia manao antsika hitsangana ary mihetsika hafa. Satria, ianareo, rehefa manao an’izany ianareo, dia lasa mpandositra an’ireo zavatr’izao tontolo izao. Lasa mpivahiny iray ianareo. Mihevitra ny tenanareo ho maty amin’ireo zavatr’izao tontolo izao ianareo, ka velona amin’ny fiainana iray vaovao. Ankehitriny dia vahiny iray ianareo ao amin’izao tontolo izao. Vahiny iray ianareo satria nanambara mazava, tamin’ny alàlan’ny fihetsikareo, hoe, “Misy Tanàna iray Izay Andriamanitra no Mpanorina sy Mpanao.” Hitanareo? Ary tsy miraharaha intsony an’ireo zavatr’izao tontolo izao ianareo, fa vahoakan’ny Lanitra iray isika mitady an’io Tanàna io Izay ny Mpanorina sy Mpanao... an’Andriamanitra. Taranak’i Abrahama isika satria nino an’i Jesosy Kristy Tompo, ary efa maty amin’ireo zavatr’izao tontolo izao, ka efa nitsangana indray tao amin’ny fitsanganana amin’ny fitoviana Aminy; mba handeha tahaka an’i Abrahama, mitady Tanàna iray ho avy, mandray ny Tenin’Andriamanitra, miantso ny zavatra hafa rehetra mifanohitra, mandray anjely ao an-tranontsika, tahaka an’i Abrahama, ireo irak’Andriamanitra, izay nitondra ny hafatra. Oh, fotoana iray toy ny inona! Manambara fa tsy mila an’izao tontolo izao intsony isika. Izy no ilaintsika, ary Izy irery. Izy no Mpamonjintsika.

¹⁶⁸ Raha miala amin’ity tranobe ity ianareo izao maraina izao, dia ento miaraka aminareo Izy. Aza mamela an’Izany hiala mihitsy. Aoka ho mora ao amin’ny fanahinareo, amin’ny androm-piainanareo rehetra. Andriamanitra hitahy anareo ankehitriny raha mandeha mankeny amin’ny sezanareo ianareo, ary mahazo ny fanomezany ireo ankizy. Andriamanitra hitahy anareo.

¹⁶⁹ Hivavahana ve eo amin’ilay izy? Ampio izy ireo hamakivaky eto, ranabavy. Handeha hivavaka.

Hamindra fo amin'ity rahalahy ity anie ny Tompo Andriamanitra. Esory aminy ilay fanahin'ny hamamoana, Tompo. Enga anie izy ho mamon'ny Divay vaovaon'Andriamanitra. Amin'ny Anaran'i Jesosy Kristy. Amena.

¹⁷⁰ Tsy an'ny Lanitra fotsiny ve izao? Firy no mahatsapa an'izany, izao fotsiny, fahamoram-panahy iray fotsiny? Tsy misy olona mahafantatra izay ho lazaina. Tsy mahafantatra na inona na inona ho lazaina aho. Izaho fotsiny dia—izaho dia... Tsy ampy teny aho. Izaho—tsy fantattro izay ho lazaina. Ny Fanahiny fotsiny no mihetsika ao anaty mihetsy, hitanareo.

¹⁷¹ Inona izany? Lasa zanak'ondry ianareo, ary eto ilay Voromailala hitarika anareo hankeo amin'ny Sakafon'ondry, Sakafon'ondry. *Ity* no Sakafon'ondry, “Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra.” Mivelona amin’Izany ny fanahintsika.

¹⁷² Heveriko ankehitriny fa tsy maintsy mijery ny sakaiza tsarako aho, Mpisolovava Robinson, raha hiandry ela fotsiny ato amin'ny tranobe ianao mandra-pahafahako manolo ny akanjoko, dia hiverina, satria tsemboka aho.

¹⁷³ Rahalahy Neville no handray ny fotoana ankehitriny, ho an'ireo—ho an'ireo fanomezana ho an'ny ankizy. Ny Tompo hitahy anareo.

¹⁷⁴ Hirao foana ny *Nidina Avy Tamin'Ny Voninahiny*. Rehefa manao an'izany ianareo, dia tsarovy izay inoantsika Azy, “Ny fahafenoan'Andriamanitra rehetra monina ao Aminy.”

Andriamanitra hitahy anao, Rahalahy Neville.

¹⁷⁵ [Miresaka amin-dRahalahy Branham i Rahalahy Neville—Mpand.] Hia, raha izaho no tianao. [“Eny.”]

¹⁷⁶ Nanontany ahy Rahalahy Neville raha hiverina aho rahariva, indray, mba history teny indray rahariva. Halako ny maka ny fotoanany. Fa eto aho, izany no maha-eto ahy. Eka, hiverina aho rahariva, raha sitraky ny Tompo, hiresaka amin'ny favoriana. 

FAMANTARANA AMBONY IRAY MAG59-1227M
(A Super Sign)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 27 Desambra, 1959, tao amin'ny Branham Tabernacle ao Jeffersonville, Indiana, U.S.A., dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org